

四庫全書

史部

欽定四庫全書

史部  
河南通志卷十二  
三

詳校官監察御史<sub>臣</sub>莫瞻蔡

檢討<sub>臣</sub>德生覆勘

總校官編修<sub>臣</sub>王燕緒

校對官中書<sub>臣</sub>葉蘭

謄錄監生<sub>臣</sub>劉達

欽定四庫全書

河南通志卷十二

河防一

史記河渠書謂河所從來者高水湍悍難以行平地  
迺北載之高地誣哉斯言夫禹第能順水性耳烏能  
強之使行高地哉考禹貢所紀底柱孟津洛汭俱在  
今河南一府之地至大伾則已入濬縣界而洛汭為  
洛水入流則抵廣武山足汴水所從受原是河雖出

秦隴之險猶安流順軌於西山金堤之間未嘗敢  
橫流中原一步禹特順而循之是以更二千年而無  
水患漢世海口屢易而於豫境猶不失其故武帝  
塞決河作歌曰鬻桑浮兮淮泗滯則此時幾幾有  
南流合淮之勢武帝特障而北之而梁楚復寧至  
永平而河汴交流復禹舊跡今濬滑汲胙之間歷  
東漢至隋唐無大患者豈惟人力勝哉亦緣當時  
河即為運而未嘗藉河以濟運是以得專意導河



北行而無後慮也自朱梁挑河累而宋世決溢特  
甚至金之明昌而河分南北流元之至正而全河  
盡入淮矣亦會明世會通河成藉河水入運歲漕  
數百萬石至

京師是河南流為害而今且資之以為利黃淮之合  
殆由天運匪特地勢然也夫河自五百年來行河  
南二千里虛沙之地地益漫而水益驕沙日增而  
淤益積淤積則河身日墊而能刷沙者亦惟水勢

金匱要略卷十二  
驕則決鬻不時而能制水者則惟堤因堤束水以  
攻沙凡其利病前人既著有成效矣我  
朝天人協應河慶安瀾

廟堂猶切焦勞

特增設正副總河俾與淮宿徐邳互相策應綢繆至矣  
弭災善後豈惟瞻河洛頌禹功哉志河防

古黃河道

河源發於崑崙

一曰穆穆哩山東距長安萬五千里河源在其間  
流澄澈下稍合衆流水漸赤行益遠衆水併注則  
濁源東北直穆克依額音磧尾即今西番和卓之  
境蓋劍南之西元志至元十七年命招討使都實  
求河源實還報謂河源出土番朶甘斯西鄙有泉  
百餘泓沮洳散渙弗可逼視方可七八里履高山  
下瞰燦若列星以故名鄂端諾爾鄂端譯言星宿  
也羣流奔轉近五七里匯二巨澤名鄂楞諾爾自  
西而東曰齊必勒河蓋引而東凡二三百里羣川次  
第流合其流浸大始名黃河然水猶清人可涉又  
一二日岐為八九股譯言九渡河通廣五七里可  
度馬又四五日水渾濁土人抱革囊騎過之自是  
經兩山峽間廣可一里二里或半里其深巨測至  
朶甘斯東北有大雪山山名伊拉瑪博囉其山最  
高多積雪即崑崙山也自九渡水至崑崙約行二  
十日河水北行至崑崙轉西北流又折而東過山

北乃折而東北流千餘里有細黃河自西南來注之行半月至奎騰州番名必齊勒始有州治官府州隸吐番等處宣慰司又四五日至積石即禹貢積石也又五日至河州安鄉關一日至打羅坑又東北行一日洮河水南來入河又一日至蘭州過北卜渡至鳴沙河過應吉理州正東行至寧夏府東南即東勝州隸大同路自發源至漢地南北溪澗細流傍注莫知紀極山皆草石至積石方林木暢茂世言河有九折彼地有二折焉

### 至積石而入中國

在西寧衛西南百七十里  
大河經其下有邈水合焉

### 又東經河州城北

河經州北六十里有大  
夏河入焉或云即澗水

又東北流經蘭州城北又東經金鄉縣北

河至蘭州境其西則湟水合浩疊水注之其南則  
洮河流入焉又東北二里金城關在焉又東北經  
金縣北六十里入龍山中危湍  
凡間凡二百里而入靖虜衛界

又東北經靖虜衛北又東北經寧夏中衛南

又東經靈州所北又東北經寧夏衛東南

河自積石至中衛東北流自中衛至靈州則正東  
流由靈州至寧夏又折而北故名其地曰河西寧  
夏土民多引水溉田蓋上源勢緩而  
無泛漲且泥沙未甚故引河為宜也

又東北入榆林西境經古三受降城南又東折而南  
經榆林之東

大河自榆林北至山西太原府河曲縣境其間曲折  
回環幾三千里古為朔方地今謂之河套乃中  
外之巨防也

又南經府谷縣東又經神木縣南而入葭州境經州  
城東河之東岸為山西河曲縣及保德州暨興縣境  
又南經吳堡縣東又南經綏德州東河之東岸為山  
西臨縣及永寧州寧鄉縣境

大河自葭州而南八十里經吳堡縣城東一里又南百六十里經綏德州東境而山西之臨縣北去大河二十里永寧州西去大河百十里寧鄉縣西去大河七十里皆與綏德州濱河為境也

又南經清澗縣東又南經延川縣及延長縣東河之東岸為山西之石樓縣及永和縣大寧縣境

河在青澗縣東百里無定河自西北入焉又南經延川縣東四十五里又南流延長縣東三十餘里而山西石樓縣距河百里永寧縣西距河五十里大寧縣西距河七十五里

又南經宜川縣東河之東岸為山西吉州及寧鄉西境

河在宜川縣東八十里東距山西吉州七十里孟門山壺口山在焉南為寧鄉縣界西距河八十里又西南接韓城縣界兩岸羣山列峙稱險固焉

又南經韓城東又南經郃陽縣東河之東岸為山西河津縣及榮河縣臨晉縣西境

大河在韓城東北八十里龍門山在焉河津縣即古耿邑商祖乙都又南經榮河縣西城去大河不及一里汾水自西北入焉又南經臨晉縣西三十里渡河而西又三十里即郃陽矣

又南經朝邑縣東又南經華陰縣東北而渭水入焉河之東岸為蒲州又南過雷首山乃折而東也



河自鄆陽縣南百二十里而經朝邑縣東三十五里有濟河臨晉關又南五十餘里至華陰縣境則華山當其衝潼關在焉又渭水流經華陰縣北至縣東北五十里而入於河即禹貢導渭入河處也而山西之蒲津關亦曰臨津關與朝邑之臨晉關夾河相對為古今設險之處又南則凍水流入焉經雷首山折而東其地亦謂之河曲即春秋秦晉戰於河曲之地也河之自東勝州折而南幾千八百里自壺口龍門以至潼關兩岸重山翼帶深險而華山復橫亘其中河於是復折而東

又東經閿鄉縣北又東經靈寶縣北河之北岸為芮

### 城縣南境

大河在閿鄉北七里又東經靈寶縣北十里而山西之芮城縣負山面河距大河二十里與閿鄉夾

河相望

又東經陝州城北又東經澠池縣及新安縣北河之北岸為平陸縣及垣曲縣境

自靈寶縣東流六十里至州城西北三里大陽津在焉亦曰茅津河津要地也其下四十餘里為底柱山其西大禹鑿山水從山而下即所謂三門也又謂三門集津中曰神門南曰鬼門北曰人門水行其間聲激如雷而鬼門尤險舟筏一入鮮有得脫三門之廣約二十丈其東百五十步即底柱也周數丈孤立水中控扼汎流驚濤怒湍稱為最險又東百餘里經澠池縣北境又東百里為新安縣境

又東經河南府北河之北岸為濟源縣南境

大河在河南府城北  
二十里繞卽山之麓

又東經孟津縣北河之北岸為孟縣南境

大河在孟津縣之北五里北岸至孟縣三十里  
今孟縣西南至孟津五十餘里蓋嘉靖時孟津縣  
益徙而西也河橋在焉自昔為設險之處河陽三  
城置於此河至此兩岸平濶其流漸漲潰溢之患  
於此見  
端矣

又東經鞏縣北洛水入焉河之北岸為溫縣境濟水

入焉

河在鞏縣北十里  
溫縣南二十里

又東經汜水縣北又東經滎陽縣北河之北岸為武

陟縣南境

河在汜水縣北一里滎陽縣北二十五里正統年  
河決滎陽經曹濮沖張秋奪濟汶入海尋自開封  
西南經陳畱自亳入渦河至懷遠入淮而開封城  
遂在河北久之始復故道而武陟南去大河五十  
里西南與滎陽接境沁水自北來至縣南入於河  
此沁黃交流之始其入河之處舊名沁黃口今曰  
南賈口

又東經河陰縣北又東經滎澤縣北河之北岸為獲

嘉縣南境

河在河陰北十五里縣西二十里有石門渠即古之蒙口秦攻魏引河溝灌大梁城即此

又東經原武縣北陽武縣南

此大河舊道也自洪武十五年河決陽武天啓元年河又決陽武睥沙岡由東南三十里入封邱至考城自此河出陽武之南而新鄉汲縣胙城之境皆去河漸遠禹跡之舊遂湮而此下仍紀河之舊道為古河道另紀今河道外別篇以見古今之變云

大河舊道自陽武縣北東經延津縣北又東經胙城縣北河之北岸為新鄉汲縣之境

古黃河道在陽武縣北二十三里  
新鄉縣境南去大河三十里

又東北經濬縣之南滑縣之北

河舊在濬縣南一里河之南岸即滑縣界河  
經其間北曰黎陽津南曰白馬津今為平陸

又東北經開州南長垣縣及東明縣之北開州之東  
北為清豐縣之西內黃縣之東

河舊在內黃東南及清豐之西南水經注云大河  
故道東北經戚城西又經繁陽城東陰安故城西  
是也戚城見開州繁陽  
見內黃陰安見清豐縣

又東北經南樂縣及大名縣元城縣之東又東經館

陶縣西又北經臨清州及高唐州之境又北經清河縣南又東經德州西又東北經景州及滄州之境入於海

德州漢

平原郡

開州之東為觀城縣及朝城縣南河之南岸則濮州之北

觀城即水經衛國縣

濮州即鄆城舊縣

又東經范縣北莘縣及聊城縣之南又東經東阿縣

北博平及茌平縣南又東經長清縣北禹城縣南

碣磳津在

長清縣

又東經歷城縣北臨邑縣南又東北經商河縣北武定州南又東經濱州境合清河以入海

合黃河道

大河今自陽武縣南又東經開封府城北封邱縣西又東經陳留縣及蘭陽縣之北河之北岸為長垣縣之境又東經儀封縣北河之北岸為東明縣界又東



南經睢州及考城縣之北又東南經歸德府北河之  
北岸為曹縣界

元至大時河南徙歸德常在河北至順以後河決  
而北歸德又在河南明正統以後河決而南歸德  
復在河北正德以後又在河南其新集口及丁家  
道口皆冲要也嘉靖三十七年新集河淤河流於  
是一變河防志舊河由新集丁家道口馬牧集  
韓家道口牛黃垸趙家園至蕭縣薊門集出徐州  
小浮橋此賈魯所復故道河流勢若建瓴上下順  
利後因河南水患另開一道出小河口意欲分殺  
水勢而河不兩行本河日就淺澁至是新集至小  
浮橋淤凡二百五十餘里河流北徙出碭山縣之  
背超單縣東南之段家口又折為六股下郭貫樓  
又折為五股共分十一流而勢弱勢弱則淤益多

淤多則決

溢更甚矣

又東經虞城縣及夏邑縣河之北岸為單縣境

又東經碭山縣之北又東經豐縣之南又東經沛縣  
之南蕭縣之北又東經徐州之北又東南經靈璧縣  
之北又東南經睢寧縣北邳州城南又東經宿遷縣  
南又東經桃源縣北又東南經清河縣南而淮河來  
合焉

大河在清河縣治南一里淮河自西南來合志云  
黃河經流即泗水舊道縣西三十里有三汊河口

泗水至此分為大小二清河大清河經縣治東北入淮俗謠為老黃河今湮其小清河在縣治西南入淮即今之清口也天下之喉吭清河其司之矣

又東經淮安府城北又東經安東縣南而入於海

### 河南省黃河道

### 南岸自陝西潼關

蒼麓云潼關衛在西安府華陰縣東北四十里南有潼谷潼水出此東北有黃卷坂在黃河南岸其坂隆起下望闕城北有黃河自華陰縣流入與山西蒲州接界東入河南閿鄉縣界衛志城北一里水中有石高出丈餘河水漲其石不沒亦謂之砥柱石西有潼水源出潼谷入河

本朝康熙十九年潼水溢城而入居民溺死甚衆及水退河裂岸東徙故道遂成平陸東南有潼關故城古桃林塞即靖函也亦曰函谷秦志函谷關在漢弘農縣即今靈寶縣西南十一里漢武帝徙新安即今新安縣東一里故關是也隋大業七年移於南北鎮城間唐天授二年又移向北近河為路即今關也其地上躋高嶠俯視洪水河之北岸為風陵津又北至蒲關六十里河山之險迤邐相屬

### 入閩鄉縣境經靈寶陝州澗池新安孟津鞏縣

薈薇云閩鄉在河南府陝州西南一百二十里西南有閩山西為黃河自陝西華陰界流入與山西芮城縣分界東入靈寶縣界西有玉澗水全鵠水即水東有盤澗水西南有阿對泉靈寶在陝州西稍南六十里東南有峴山曹陽水出此入河西南有石堤山栢谷水出此入河又有石燭山燭水

出此入河又有門水自洛南縣流入亦名弘農澗  
又有豐盛等五十渠引山水灌田 陝州在河南  
府西三百里東北有砥柱山在黃河中去州四十  
里卽禹貢所謂砥柱也又有公主河在三門山左  
唐開元中鑿此通漕以避三門之險約百文許復  
入於河西有七里澗自南山入河西南有熊水東  
有清水自永寧流入北入於河又有利人渠二廣  
濟渠一引水入城以代井汲今渰 澗池在河南  
府西一百六十里東北有澗池山澗水出焉西南  
有馬頭山穀水出焉北有黃河按志黃河自三門  
集津下迄釣魚嘴奔流迅急舟筏難渡 新安在  
河南府西七十里東南有瞻諸山慈澗水出焉滙  
諸川水入穀南有密山泉水出焉注洛西南有郁  
山練谷水出焉入穀西北有蒙山長垣河出焉又  
有驪山回水出焉東北有邙山馬陵川出焉 孟  
津在河南府東北四十五里兩岸平澗河勢漸盛

潰決之患從此而始唐時築石堤當河陽平津兩  
縣岸高五丈濶如之延六七十里今南岸止有二  
三里北岸盡決 鞏縣在河南府東北一百二十  
里南有寒戰山下臨玉仙河又有亂石山下有五  
泉入洛

### 至汜水河陰至滎澤縣而始有堤工

舊叢云汜水在鄭州西一百四十里東南有方山  
即山海經浮戲之山也汜水出焉有馬跑泉漢家泉  
柏池泉有玉仙山山上有玉仙元君祠祠前有二  
泉一為小龍池即小里河源一為黃龍池即汜水  
源西有大伾山山之東盡於玉門山乃汜水入河  
處又有廣武山沿河六十里 河陰在鄭州西北  
五十里北有武濟山傳為武王濟河處宋元豐中  
范子淵議導洛通汴屢請於武濟山北麓修堤置

埽是也 蒙澤在鄭州北少西四十里有敖山殷仲丁自毫徙囂即此黃河舊在縣北十里漸南徙逼近城洪治時徐恪言自孫家渡口舊河疏之經朱仙鎮由汭入淮可殺上流之勢成化十五年以水患徙築今縣東北有菴蕩渠西通河洛南達江淮隋通濟渠也今湮南有賈魯河亦湮西南有澹然河達於大河

自此而鄭州原武陽武中牟祥符陳留蘭陽儀封

薈菴云鄭州在開封府西少南一百四十里北為黃河東有鄭水出梅山東北入賈魯河西有須水正德時鑿之以紓河患東南有七里河其源有三一出泰山一出梅山一出站馬屯會流於此入賈魯河東有潮河出藥巴廟下合賈魯河東有龍池湖周三里 原武在開封府西北一百二十里縣

舊在河之南正統十三年河決滎澤南徙始在河之北南有古濟水與古陰溝水今皆混入黃河西北有沁河自武陟縣東入黃河陽武縣在開封府西北九十里東有脾沙岡西有黑洋山河決後皆淪於河南為黃河東南有白溝亦名清水亦名白河流至封邱境內曰翟溝西有沁水自武陟縣流入後築堰截入黃河其故渠皆為桑田中牟在開封府西七十里北有牟山南有馬陵岡長五十餘里即古河堤北有汴水即葭蕩渠也亦名鴻溝亦名官渡水明正統七年改流入黃河遂淤為平地南有汜水東流入官渡今洶東南有刁馬河今堙又有雙洎河名小清河即鄭風所咏清人在旁者源出新鄭縣至鄭西東北流入丈八溝縣志載九溝八澤三十六陂祥符縣即開封府治西北有駝牟岡河決後今為平陸東北有赤岡西有狼城岡東北有槐疙疸岡萬歷中河決於此西北



有黑岡崇嶺中河決於此南有汴河即蒗蕩渠分  
流也隋自大梁城西南鑿渠引汴水即此至元二  
十七年始淤明初欲以大梁為北京議浚之不果  
宋都汴時引汴蔡諸水漕舟城中溝洫互通自明  
季灌城後俱為平陸西有金水河即蔡陽之京水  
匯入五丈河者今埡東北有隋堤一名汴堤今遺  
跡尚存 陳留在開封府東少南五十里北有黃  
河自祥符流入入蘭陽縣界北有汴河自祥符流  
入入杞縣界又有蔡河自祥符流入入通許縣界  
即沙河也今泗北有睢水沙水分流開通濟渠今  
埡東北有巴河一名沁水今泗縣北有秦陳留故  
城東北有魏小黃故城 蘭陽在開封府東少北  
九十里北有黃河又有賈魯河又有馬蹄河一名  
清河河南有巴河亦名沁河北有古濟水今入於河  
西北有趙皮寨一名張祿口又有銅瓦廂集 儀  
封在開封府東少北一百一十里東北有黃陵岡

北有青陵岡又北有黃河縣有七河曰北舊黃河  
南舊黃河賈魯河麗家河園頭河巴河新河皆黃  
河轉徙所經忽南忽北今賈  
魯河巴河故道堙餘河故在

### 經考城商邱虞城

薈叢云考城在睢州北九十里北有黃河自古為  
沖決之所北有賈魯河又有沁河南有沙河汴河  
西南有戴陂黃水注焉商邱即歸德府治北有  
黃河元至大年河決而南府治在河北至順以後  
河決而北府治仍在河南明正統河決而南府治  
又在北正統以後仍在河南其新集口丁家道口  
皆河之險要虞城在歸德府東北七十里北有  
黃河其地上接考城下接碭山鄰比數縣土皆卑  
下每經河溢互相傾注河決考碭則土聚虞城河  
潰虞城則土聚考碭故舊道盡湮水患無已欲浚

支河則易淤塞欲築堤則無山陵可倚若於李景高口西岸浚水南行則縣境之流自殺又自楊厚口起築堤分水使下流有歸然後河不為患北有汴水亦名獲水西有孟諸澤今俗呼為湄臺西有丁家道口北有羅家道口皆黃河要地

至江南徐州之碭山縣界出河南境

北岸自山西垣曲縣

垣曲在山西絳州東南二百一十里東北有王屋山接河南濟源縣及陽城界西北有黃河自平陸縣流入

入濟源縣境經孟縣溫縣武陟

蒼叢云濟源在懷慶府西七十里東北有太行山  
南有黃河北有濟瀆東南流入孟縣禹貢導沅水  
東流為濟西南有渙水東經孟縣入河新志渙水  
一出姑嫂山一出五指山一出秦嶺山至三河口  
合流與沁水合東南入孟縣界入河北有沁水源  
出莽山入渙西南有漫流水塗溝水入渙東南有  
天漿水同水俱孟縣界西南有湛水注河西有濛  
水入沁北有沁水自陽城流入東入河內界東有  
千倉渠濟水分流也孟縣在懷慶府南少西五  
十五里南有黃河自濟源縣流入與孟津縣接界  
河廣二里南有孟津一名陶渚西南有冶坂津北  
有沅水即濟水也北有渙水南合流入河西有河  
陽廢縣南有下孟州城即古北中城也金大定中  
以河患因于故城北十五里徙治焉曰上孟州故  
城曰下孟州東魏又築南城在今孟津縣界及中  
渾城在今縣西南是為三城溫縣在懷慶府東

南五十里今近城西有濟水南入河北有廣濟  
河沁水分流也又有溫潤渠隋刺史盧賁引沁為  
利人河又派流入溫縣故名溫潤有豐稔河分流  
廣濟河水入溫即此北有潞水通豐稔河東有平  
阜多菱苡蒲葦武陟在懷慶府東一百里南有  
清風嶺瀕河東有沁水自河內縣至南賈村入河  
其支流入縣北東引灌田二千餘頃西南有廣濟  
河沁水分流也今潤西北有小丹河即丹水分流  
之長明溝也今淤又有上清河即沁水分流之蔡  
溝也自河內縣流入東入修武之三橋陂入衛東  
北有蓮花池在沁河東岸地名木藥店去  
衛河百里明萬厯中沁河從此決入衛

亦至滎澤縣而始有堤工自此而原武陽武封邱

齊叢云封邱在開封府北六十里北有黑洋山東  
北有淳于岡皆湮于水南有黃河本在縣西北金

明昌五年河決陽武灌封邱而東縣遂居河之北  
終明之世凡五決荆隆口一決陳橋

本朝

順治七年九年兩決至十二年始塞按黃河自陽

武入封邱出荆隆口直東至長垣東明兩縣境從  
北經曹濮直趨大清河東入於海較之出徐沛合  
淮泗以入海其道最為徑易從來河行之道宜直  
不宜紆入海之口宜近不宜遠也西北有沁河一  
名已河自武陟陽武流入經于家店北繞蔡南穿  
桃陵河東注每泛濫則能為害自懷慶增堤遏之  
水始全落南有翟溝自陽武境入即白溝也今堙  
河南有黃池東西廣三里南有金龍口即荆隆口  
自砥柱孟津而下最為險濫今離河稍遠然地方  
窪下夏秋水發一堤之內皆為巨浸西南有中梁  
城元時運道中梗受江淮之米陸運赴淇仍以舟  
載送京師後改為海運其西為大王廟口順治九  
年河決於此決口有積水潭汪洋數十頃深廣十

餘文今縣治本封邱故城金時以河淹沒遷治新城元時新城又為河壞仍遷故城西有董家堤障禦黑洋

山水

歷祥符陳畱蘭陽儀封以至山東曹縣界出河南境古今黃河通塞攷

周定王五年禹河初徙王莽始建國三年河再徙千乘入海歷唐至宋景祐元年決橫隴慶歷八年復決商胡合永濟渠注乾寧軍入海是為北流嘉祐五年北流復決為二股河自魏恩東至德滄入海是為東

流元符二年東流塞金明昌五年河決陽武東注梁  
山樂分為兩派一由北清河入海一由南清河奪淮  
入海而汲胙之流塞元至元中河徙陽武南奪渦入  
淮而新鄉之流塞泰定元年改從汴渠至徐城東北  
入泗入淮即今通行之河也元時新鄉雖塞尚由獲  
嘉明天順六年自武陟東徙原武而獲嘉之流塞洪  
治以前北流猶未塞也自築斷黃陵岡而北流遂永  
塞矣

行水金鑑



# 河五大徙

河自禹功告成之後下迄元明凡五大徙而暫決復塞者不與焉一周定王五年河徙自宿胥口東行漯川至長壽津與漯別行而東北合漳水至章武入海水經所謂大河故瀆者是也二王莽始建國三年河徙魏郡泛清河平原濟南至千乘後漢永平中王景修之遂為大河之經流水經所稱河水者是也三宋仁宗時商胡決河分為二派北流合永清渠至乾寧軍

今青州

入海東流合馬頰河至無隸縣

今海豐

入海二流迭為

開閉宋史河渠志所載是也四金章宗五年河決陽

武故堤一由南清河

即泗水

入淮是也五元世祖至元

中河徙出陽武縣南新鄉之流絕二十六年會通河

成北派漸微及明洪治中築斷黃陵岡支渠遂以一

淮受全河之水蓋自大任以東古兗青徐揚四州之

域皆為其縱橫糜爛之區矣

禹貢鉅指

各道河渠

# 開封府

汴河

源出滎陽大周山合京索須鄭四水東南流即禹貢之灘水春秋時謂之汴水宣公十三

年晉楚之戰楚軍邲即是水也秦漢曰鴻溝漢志謂之蒗蕩渠明帝遣王景王吳修築亦曰滎陽漕渠又名陰溝元和志開渠以通淮泗歲久復湮晉末劉裕滅秦廢長安自洛入河開汴渠而歸後復湮隋大業初更開之名通濟渠西通河濟南達江淮唐天寶後復湮至廣德二年乃命劉晏開汴水以通運唐末潰壞周顯德二年謀伐唐乃因故堤而疏導之五年浚汴口達淮江淮舟楫始通六年又自大梁城東導汴入蔡水又導汴入五大渠宋建隆三年導索水自旃然與須水合入於汴謂之金水河嘉祐六年自南京都門三百里修狹河木岸扼束水勢人以爲便熙寧八年自汜水之任村

沙口至河陰之瓦亭子達汴口接運河長五十里兩岸為堤長一百三里自是汴洛通流張方平曰國初浚河渠三道以供漕運定例汴河六百萬石廣濟六十二萬石惠民六十萬石故汴河於漕至重非區區水利比也今攷汴河故道自河陰縣東北廣武山澗中東南流過陽武中牟至開封府城南東流過陳留杞縣北又東過睢州北考城縣南寧陵縣北東經歸德府城南隋以前自歸德府界東北流達虞城夏邑北入江南徐州界過碭山北蕭縣南至徐州北合於泗隋以後則由歸德府境東南流達夏邑永城南而入鳳陽府宿州界東南流經靈壁虹縣南至泗州兩城間而合於淮宋時東南漕運大都由汴以達畿邑故汴河經理為詳南遷以後不資於汴故汴河日就湮廢金雖都汴而周章勿遽亦欲經理漕渠自泗通汴而未遑也洪武六年議浚汴河而中格自是陵谷變遷中

半以東汴河  
不從續矣

蔡水

在開封府東南自汴河分流為蔡水亦曰沙水下流經過許尉氏扶溝太康至歸德府鹿

邑縣合潁水宋開寶中為惠民河為漕運四河之一後廢永道河舊在府城西南亦曰永濟河即宋嘉祐中自葛家岡穿河引溢水入惠民等河處也今亦廢

五丈河

在開封府北亦自汴河分流東通曹鄴諸州宋開寶中為廣濟河為漕運四河之一

建炎初宗澤留守東京開五丈以通西北商旅即此後湮

金水河

在開封府西其上源即滎陽之京水也宋建隆二年命將軍陳承昭鑿渠引水過中

牟凡百餘里抵都城設斗門入浚溝通城  
東匯於五丈河為漕運四渠之一後固

白溝河

莊開封府東河無山源以潦涸為盈竭唐

武宗初元年引汴水注白溝以通徐兗之漕

三其渠亦曰

通濟渠

在開封府西南二里隋煬帝所鑿以引汴水從城西中牟縣鑿琵琶溝而入本秦漢

道路也

賈魯河

即汴水之分派也汴水源出滎陽大周山下受西南山路京須索鄭之水東流至中

平分為二派一瀆南注為沙一瀆東注為汴漢平

時黃河南奔衝汴明帝永平中命王景修汴堤

自滎陽東分疏河汴二水合黃河東北流入海

汴河東南流入泗隋大業元年開通濟渠自板渚

引河歷滎澤入汴又自大梁之東引汴水入泗達

於淮宋定都汴梁汴水穿鄆城中有上水門下水

門歲漕江淮折湖之粟六百萬達京師元至元二  
十七年黃河決始淤塞東流一支今止存南注一  
支以曾經元臣賈魯疏濬故名賈魯河自中牟東  
南流經祥符縣之朱仙鎮呂家潭至扶溝縣東北  
受雙洎河水又東南入西華縣逵城西北東三面  
又東南經李方口西又東南入潁汝二河入商水  
境經周家口又東受清水及柳莊河水為白馬溝  
經陳州南頓鎮又東南經項城北又東入沈邱境  
會淠河經槐坊店折而東南受枯河水又東經紙  
店界首集入江南太和縣東南入潁州北入於淮雍  
正五年  
後疏浚

睢水

在陳留縣東北四十里合小黃河入杞縣睢  
州寧陵商邱即後漢建安七年曹操至

江南虹縣而入於泗後漢建安七年曹操軍  
譙至浚儀治睢渠蓋因睢水而作渠也後湮

巴河

在陳留縣東北三十五里黃河之支流也東入蘭陽儀封後澗

渦水

在太康縣北五里其上游自通許境接蔡水流經縣北東南經柘城鹿邑出境又東入江

南亳州其下流入淮

沙水

在尉氏縣東五十里即宋之惠民河自祥符流入東有康溝合之

官渡水

在中牟縣牟臺下鴻溝自滎陽下分為二渠一為官渡圃田澤在其南黃河在其北

昔袁曹相拒紹敗幅巾渡河從此去汜水自縣南東北入焉杜佑曰此為東汜水左傳僖公三十年秦晉圍鄭晉軍函陵秦軍汜南此水之南也又襄公九年晉會諸侯伐鄭師於汜南亦即此後澗

刁馬河

在中牟縣東南舊通汴河後湮



王滿渡

在中牟縣南為汴河所經津濟處唐李克

乘其半濟而擊之即此後廢

黃池

在封邱縣西南七里東西廣三里春秋哀公十三年公會晉侯吳子于黃池即此

翟溝

在封邱縣南八里即白溝也西接黃河支流自陽武縣流入又東南經祥符縣境後涸

歸德府

桃源河

在寧陵縣北三十五里又韋家河張弓河陽驛河皆黃河故道也後湮

渙水

在永城縣東南睢水之支流也又名濊水東入鳳陽宿州境戰國策楚宣王時魏拔趙邯

鄆楚救趙取睢濊之間唐康承訓討龐勛屯新興濟與水與賊戰賊伏兵圍承訓朱邪赤心擊却之

此即

澮水

在永城縣南二十里  
又有汜河會於澮

彰德府

洹水

在彰德府安陽縣西北又名安陽河源自故  
洹水縣東流至林縣安陽縣屢伏屢見東經

永和鎮會  
衛河入海

漳河

源有二一出山西潞州長子縣名濁漳自林  
縣入境一出平定州樂平縣名清漳自涉縣

西北入境俱在林縣合  
流經臨漳縣南會衛河

洺河

源出遼州太行山至武安縣栢林里伏流  
至洺遠里復出東經鉅鹿縣界入滹沱河

湯水

源出湯陰縣治西元泉又名蕩水流經縣東五十里過內黃縣界入衛河

羗水

源出湯陰縣治西北鶴山流至湯陰縣之羗城北東會防水入湯水

滏水

源出磁州西北神廟山湧沸如蕩出滏東流至臨漳縣界入漳河

滏溪

在林縣西北四十里經碯陽城西北入漳河

防水

出西北馬頭澗東經防城至內黃縣東南流入蕩水

## 衛輝府

衛河

發源輝縣西五里蘇門山捌刀泉即百泉東流經獲嘉縣新鄉北界至衛輝府西北轉而東

由濬縣之淇門受淇水又東北至濬縣城西又東北經滑縣內黃界又受洹漳二水至山東之臨清

州城西會於漕  
河至直沽入海

百泉

在輝縣西五里蘇門山下又名珍珠泉  
其泉百餘噴湧如珠東流為衛河之源

濮水

在延津縣北水經注濮水自酸棗首受河而  
東北注燕城南蓋與封邱之濮渠異源而同

流也燕城今胙城縣地自  
黃河遷決濮水斷流矣

延津

延津縣北有延津水曹操以袁紹攻白馬引  
兵救之荀攸曰今兵少不敵但到延津若將

兵渡河向其後者紹必西應之然後以輕兵襲白  
馬從之果敗袁紹軍晉成和四年石勒破劉曜途

出於此以河冰泮為神  
靈之助號靈昌津今湮

淇水

源出林縣西大號山歷太行而東經  
淇縣南流至濬縣之淇門而入衛河

波羅河

在濟縣童山西麓又名漆河  
南流至龍口峽伏流地中

滑河

在滑縣南由北而東自洛以西衆  
水匯之唐明皇得龍馬於此今湮

王莽河

在滑縣  
北今湮

永濟渠

在滑縣西北三十里自濟  
縣入東北達內黃縣界

白馬津

在滑縣西北十里故黃河經流處  
漢酈食其說沛公守白馬津即此

# 懷慶府

沁河

源出山西沁源縣穿太行山出  
齊源縣至懷慶武陟縣入黃河

大丹河

源出山西澤州穿太行山至河內縣入沁  
自河內縣丹峪口起至留村入沁計長五

小丹河

山河內縣經修武縣南門外東流至獲嘉縣入衛河

濟瀆

發源王屋山頂巖下曰沅水既見而伏出濟源縣為東西二源東源即瀆廟地西源俗呼

為龍潭東南流至栢香鎮分為二一於鎮之東北  
流至河內縣穿郡城經龍澗村入沁河一於鎮之  
西南流經猪龍河自小營村入黃

河孔氏曰泉源為沅流出為濟

淇水

在淇源縣發源三處一出姑嫂山一出秦嶺  
山一出五指山至縣西南三河頭合而為一

至孟縣海子頭村入黃  
河春秋會於吳梁即此

澗水

源出濟源縣西四里  
東南流與淇水合

# 河南府

洛河

源出陝西雒南縣家嶺山東流入河南境至盧氏縣過熊耳山而東北渥澗二水先入焉

其流始大經永寧宜陽洛陽偃師而伊水入焉又東北於鞏縣北十里循邙山尾南入黃河

伊水

源出盧氏縣閭頓嶺由嵩縣洛陽至偃師縣高莊與洛河合流至鞏縣東北洛口入黃河

澗水

源出洛陽縣西北穀城山自高廟溝起與九眼泉合入洛陽縣界由邙山西北注向東南

轉折而東至北  
雲南入洛河

澗水

源出澗池縣東北白石山由新安至洛陽縣西七里橋東流入洛河胡肅明曰古時澗

水經河南府故城西入洛澗水經河南府故城東入洛故澗水東澗水西為王城而澗水東為下都

洛誥之文甚詳也自周靈王壅穀水使東出於王城之北則其勢必入於瀍水而合流歷王城之東以南注於洛時二水猶未經洛城也迨東漢建都於此自河南縣東十五里之千金碭引水繞都城南北以通漕而瀍始與穀水俱東注矣古時瀍不合澗亦不過洛陽南而東至偃師也

甘水

在河南府西南四十里自宜陽縣西南流入下澗水味甚甘故名

五渡水

源出嵩山東谷自山頂下流疏為三十八浦在登封縣東南二十五里

元瀨水

源出陽虛山在永寧縣西四十五里下流入洛

潁水

源出潁山在永寧縣北六十里下流入洛

穀河

源出熊耳山在永寧縣北七十里過嶠底經韓城流入洛多稠玉



澗水

源出馬頭山東流過千秋嶺與潭水合在暹池縣南

湯水

在盧氏縣西南一百三十里流入粉青江

回溪

在永寧縣北六十里即馮異與赤眉戰處

洛汭

在鞏縣洛水入河之處清濁異流

潁水

源出河南府登封縣東二十五里陽乾山流經禹州北入許州界經襄城縣西北亦謂渚

河又東經臨潁縣北又東經西華縣北陳州南又東經項城縣南沈邱縣北接歸德府鹿邑縣南而合於蔡河又東南至江南鳳陽府界經太和縣及潁州之北潁上縣之東南當壽州西南正陽鎮而入淮謂之潁口歷郡三潁川淮陽沛郡行一千五百里左傳襄公十年晉師諸侯伐鄭楚救鄭晉師

進與楚夾潁而軍鄭人宵涉潁與楚盟即禹州北之潁水也正始四年鄧艾以為陳蔡之間上下田

良可省許昌左右諸稻田并水東下潁水潁水曰汝水入淮陳令淮北屯二萬人淮南屯三萬人什二

分休常有四萬人且田且守益開河渠以增灌溉通漕運計除衆費合五百萬萬斛以為軍資六十

年間可積三十萬斛於淮上此則十萬之衆五年食也以此乘吳無不克矣懿善之遂修廣淮陽百

尺二渠潁水上引河流下通淮潁大治諸陂於潁南潁北穿渠三百里溉田二萬頃每東南有事泛

舟而下達於江淮艾所建也唐建中二年田悅李惟岳李納梁崇義拒命舉天下兵討之諸軍皆仰

給京師而李納田悅兵守渦口淮建中二年田悅李納崇義拒鄧

襄南北漕引皆絕江淮轉運使杜佑建言以秦漢運路出浚儀西十里入琵琶溝絕蔡河至陳州而合潁河自隋鑿汴河官漕不通若導流培岸功用

甚寨由雞鳴岡首尾又在尉氏縣可以通舟陸行纔四十里則江湖黔中蜀漢之粟可方舟而下由白

沙江南趙東關江南經廬壽浮潁涉蔡歷琵琶溝入汴河抵東都無濁河沂淮之阻蓋欲由肥水

建蔡滅故道二千餘里會李納將李洧以徐州歸朝時減口淮路通而止宋建隆二年浚蔡渠導閔

水閔水亦蔡自新鄭與蔡水合此閔水謂蔡河上貫京師南歷陳潁達壽春以通淮右之漕於是以

西南為閔河東南為蔡河乾德二年又鑿渠自長社今許引潁水至京師合閔水閔河之漕益通開

寶六年改為惠民河為漕運四河之一歐陽志曰蔡河即古之琵琶溝胡氏曰琵琶溝自東京戴樓

門入南面西來京城宣化水門出來南東投東南下經陳州過鹿邑縣界蔡河口而入潁今由朱仙

鎮而東南有水道經西華南頓沈邱以達於潁壽蓋即蔡河故迹又有五丈河亦宋時漕運之一九

域志五丈河即禹貢之荷澤自汴城歷陳留曹濟  
及鄆其廣五丈周顯德四年疏汴水入五丈河東  
流經定陶北入於濟齊魯舟楫皆達汴梁禹貢  
之荷澤在今山東曹州東南三十里五丈河與之  
相通耳非  
卽荷澤也

### 南陽府

刁河

在鄧州南十五里發源內鄉縣西北  
蕭山流過州至新野縣東南入清水

洧河

在南陽府東三里發源嵩縣雙鷄嶺東南流  
經南陽新野會梅溪洱水灌水湍水留山黃

渠栗鴉泗潦刁等河與沁  
水合流南至襄陽入漢江

泌河

在唐縣源出銅山經鄧州北轉西  
下流會清水昆江等河與清河合

浙水

在浙川縣西南三十里源出商山經本縣南會陽滔四車等河與丹水合流入漢江

淮水

源出南陽府桐柏縣胎簪山東南流經信陽州城北四十五里淮之北岸即確山縣境北

去縣四十里入東七十里至羅山縣境南去縣二十里淮之北岸即正陽縣境北去縣八十里又東經息縣南五里入東流十里經光山縣北南去縣八十里又東經光州城北六十七里又東北流百四十餘里而經固始縣北南去縣七十里淮之北岸為江南邊方之界而出河南境矣方其濛汜豫省五百八十餘里中則有信陽之漸河羅山之竹竿光山之寨河小黃光商之春河白露商固之史山石槽各挾山溪陂湖之水共一百三十六道競流奔匯入其中又有發源於西平洪汝二河上承商陽之無滾洪觀南接確遠之吳寨黃酒共帶支流六十五道奔騰匯入至三吳而淮乃獨流焉又

東北經潁州城南百十里又東流十里而大息山之汝水益之以魯山縣之潁河歷伊汝實郊統合兩岸旁流四十二道貫襄城經葉縣建鄴城襟帶成澧泥濘納支派十三道並會於汝而入焉謂之淮口淮之南岸即霍邱縣界又東經潁上縣南六十里又東流三十五里即東西正陽鎮也則有登封之潁水同長葛之潁水許州之石梁旁挾支流一十五道羣統於潁以入淮故謂之潁口又東六十里至壽州之北南去州城二十五里肥水自南流入焉謂之肥口又東經懷遠縣南一里流經荆塗兩山之間至縣城之東折而北而渦水挾帶雕柘寧鹿之流由黟郡至此而入焉謂之渦口又東至鳳陽府之北南去府城十有餘里又東流經臨淮城北稍東曰新河口濠水自南流入焉謂之濠口又東流八十里而經五河縣城東南一里有會河沱河崇河潼河自縣西北次第入焉與淮為

五流故謂之五河口也又東經泗州城南一里淮之南岸去盱眙縣北二里兩城相拒凡七里自昔為淮流衿東之處則有汴水根據於滎鄭須索金京之九水會歸賈魯併邀新密之消水雙洎一十三道兼清水經泗州城東而入焉謂之汴口宋時以此為漕運要衝之處也由此而東三十里有龜山峙焉淮流至是乃盤折而北又二十餘里而洪澤阜陵泥墊萬家諸湖環匯於淮之東岸淮水漲溢恒在於此泗水逼淮而地卑故多侵凌之患又東北經清河縣南五十里泗水自北流入焉謂之泗口亦曰清口黃淮於此交會謂之大河口淮之南岸則運河流入焉所謂清江浦口也又東五十里經淮安府城北去城五里又東五十里經安東縣城南又東北五里餘即海口也黃淮並流勢甚猛急海潮若迎若却互相回旋其地有四套五套六套之名皆湍流所成也東北出海西岸即海州

之雲梯關又謂之雲梯海口安東而上有二三里即禹貢以來淮水入海道也自桐栢發源以達海幾二千餘里

丹水

源出陝西商縣竹山東流至內鄉縣與淅水合

湍河

在南陽府西南三十里源出內鄉縣熊耳山槍竿嶺東南流經鄧州城北折而東北至安

衆故城又南至新野縣東合於清水水經注湍水經安衆城西涅水自鄧州來會之

梅谿水

在南陽府西二十里源出府北之紫山南流經杜衍故城東湍流注之

潦河

在鎮平縣東四十里源出南陽縣之馬峙坪西流經杏花山又南流至新野縣入清水

柳泉

在鎮平縣東遮山北廣五丈餘又清龍泉在縣之竹園保皆引流溉田



泚水

在唐縣南源出大胡山南流與澧水會謂之泚水又西南經南陽縣南至新野縣入於清

呂氏春秋齊令章子與韓魏攻荆荆使唐蔑將兵應之夾泚而軍章子夜襲蔑斬之又光武大破莽

兵於泚水  
西即此

潢淳水

在唐縣西乃諸水之支流也水經注諸水支分結為二湖流注合為潢水又南經棘

陽縣之潢淳聚謂之潢淳水又  
南經棘陽故城西謂之棘水

舞水

在唐縣北自平地湧出如飛舞然東北流達於舞陽縣又東入於汝舞陰舞陽皆以此水

名也

親水

在唐縣東北百餘里源出唐縣之中陽山流入舞陽又東入汝寧府遂平界

醴水

在桐栢縣西水經注醴水出桐栢山與淮水同源而異流西注唐縣境入泚水醴水亦作

澧水

三鴉水

出南陽縣分水嶺下東北入魯陽亦謂之鴉河

湍水

在鄧州東北源出岐棘山經湍陽故城南又東南經南陽縣安衆故城西而入於湍水晉

咸和七年桓宣破石勒將郭敬於此

朝水

在鄧州西南源出赤石山東南流經冠軍故城界又東南入新野縣界合於清水

均水

在新野縣東源出內鄉熊耳山流入沔為均亦曰涓晉桓溫伐秦水軍自襄陽入均口至

南鄉即此水也

堵水

亦曰赭水源出方城山經裕州西漢以此名縣下流至唐縣界入於泚水

賈河

在裕州東四十里源出牛心山流入舞陽縣界與沙水合

沙水

在舞陽縣西南源出汝州魯山縣之沒文嶺東流經葉縣與渙水合又東至許州襄城縣

界入於汝水

昆水

在昆陽故城南源出魯山縣界東南流至舞陽縣界合於沙河昆陽縣即以此名唐咸亨

二年校獵於葉縣  
昆水之陽是也

湛水

在葉縣北三十里源出汝州之東南魚齒山入於汝水左傳襄公十六年晉伐楚楚公子

格及晉師戰  
於湛陂是也

# 汝寧府

練河

在汝寧府西十里亦曰練江一曰黃酉河源出確山縣之樂山東流至府西有斷濟河寨

河泠水諸小川匯入焉至西北入於汝宋端平初孟珙會蒙古兵攻金蔡州珙次柴潭蒙古決練江

此即

潁水

在汝寧府東四十里俗名洪河源出西平縣周家泊東流合汝水支流又東南經上蔡縣

東而入於汝復支分而東南出經府東十里有洪河橋跨其上復東流至新蔡縣界入於汝

荊河

在汝寧府東北二里源出天中山匯懸瓠池水經城北大堤外東流六十里入潁水又府

西北十二里有馬常河亦東流入潁水

秦水

在汝寧府南十八里源出南陽府桐柏縣之桐栢山一名沙河東流經秦口店入汝復縣分

流東南出經平輿安城故縣北又折而南入正陽縣復東南入息縣又東北經新蔡縣之官津店復

入於汝

柴潭

在汝寧府南三里蔡恃以為固潭外即汝河潭高於河五六丈孟珙與蒙古攻蔡決之於

是兩軍皆濟遂拔蔡州

滇水

在正陽縣東北二十里源出縣西王家衝東北流入於汝漢以此名縣

清水港

在正陽縣南四十里源出確山縣之橫山又有閭河亦出確山縣南諸小水附於二

河東流入淮

沙河

在正陽縣西南三十里源出遂平縣之嵒岬山自縣西南蔡家埠口東北至姚家灣入汝

潁陽河

在西平縣五十里東北流入於汝水志云縣西二十里有官橋河十八里有金水河

十五里有淤泥河皆  
滙縣北境之水入汝

清河

在確山縣東南三十五里源出橫山東流入正陽合塘下溝河而入於汝

石洋河

在遂平縣北五里源出黑龍潭東流入汝水

濯水

在遂平縣南東北入汝

澍河

在信陽州南四十里源出隨州黃土山流於州城東北入淮

九渡河

在信陽州南六十里源出雞翅山谿間縈委沿湖九渡亦曰九曲經州南二十五里

有卧牛河合焉謂之雙河  
又東北合於潁河入淮

竹竿河

在羅山縣三十里源  
出掘山北流入淮

小黃河

在羅山縣南門外源出靈山東流合竹竿  
河又縣之西南三十里有羊馬河亦入竹

竿河又馬寨河在縣西南五十里亦  
入小黃河又有樂清河北流入淮

明河

源出信陽州西北  
天目山南流入淮

汝州

汝河

源出嵩縣之天息山白龍池自嵩入伊陽自  
伊陽入汝州由寶豐及郊縣界入襄城縣西

經葉縣北又東入郛城縣南而入汝寧府西平縣  
境自縣北東南流經上蔡西汝陽縣北又東經新

蔡西息縣北至潁州南而注於淮左傳成公十六年楚以汝陰之田求成於鄭十七年諸侯圍鄭楚救鄭師於汝上哀公元年楚圍鄭使疆於江汝之間國語齊桓公伐楚濟汝踰方城荀子曰楚汝潁以爲險漢志注汝水歷郡四潁州汝水行千三百五十里

涅河

源出汝州魯山縣之堯山東南流入葉縣界經昆陽故城北又東合於沙河入舞陽縣界

下流入於汝水左傳僖公三十三年楚軍與晉師夾泝而軍即涅水也先武擊王邑王尋士卒溺死涅水爲之不流晉杜預鎮襄陽引涅清之水灌田萬頃

馬跑泉

在汝州東南相傳光武經此馬跑得泉

波水

在魯山縣西源出歇馬嶺下流入於汝水



滄澗水

在郟縣西十里源出扈陽山流入汝水唐建中四年劉德信與李希烈將李克誠戰

敗於此又長橋水在縣東三十里亦流入於汝

激水

在郟縣東南源出魯陽縣北將孤山東南有柘水會之下流入於汝又養水在縣西南亦

自魯山流入縣境下流入汝

秋河

在魯山縣南五十里又東二十里為清水河西三十里為當齊河

陳州

大澗水

即激水也自許州鄆城流入陳州至商水縣東合於潁水上有澗橋

時曲

在商水縣西南五十里激水於此回曲故名唐元和十年李光顏敗淮西兵於時曲即此

許州

潁水

在許州北二里自長葛縣流入源出大隗山名魯固河又名清流河南經臨潁縣而合於

潁又有石梁河自禹州流入東南經臨潁縣界合潁水

小潁水

在臨潁縣西南以郛城南有大潁水故別其名東流合於大潁水唐貞元十五年討

吳少誠潰於小潁水又元和四年朱全忠擊秦宗權敗西兵於小潁水又中和四年朱全忠擊秦宗權敗之於殷水即小潁水又有潁水在縣西十里或曰小潁水之支流也唐元和十年李光顏及吳元濟

戰於臨潁敗之於潁水上

泥河

在臨潁縣西四十里一名瑪瑙河自襄城縣界流入於潁

洄曲

在鄆城縣東三十里唐元和中討吳元濟降將李祐言於李愬曰蔡之精兵皆在洄曲是

也洄曲者縣有蔡水在城東五里即汝水也源自魯山縣來又有澧河自舞陽縣來至縣東螺灣渡北流合汝河又東南流其處故謂之洄曲也

禹州

溱洧水

溱水出密縣亦曰鄆水發源古鄆城西北難絳塢下東北流至新鄭縣與洧水合為

雙洎河至扶溝西華入河又石梁河出縣西南山谷中經禹州北達許州臨潁縣界而合潁水

鄭州

鄭水

在鄭州東二十二里源出梅山京索二水自滎陽而東合於鄭水又東北至中牟縣溉田

千餘頃其餘水下入汴河又名不家水  
經注不家溝水流經管城西俗謂之管水

須水

源出滎陽縣之萬山經鄭州西合於索水久  
淤正德八年以河患河臣趙璜於州西鑿須

水河又於滎澤西鑿分水河以  
分河流俱導入孫家渡尋淤

京水

源出滎陽縣嵩渚山經  
鄭州與索須合入於汴

索水

源出滎陽縣小隄山經鄭州  
西南十五里東北入鄭水

馮池

在滎陽縣西東北流歷河陰縣教山南水經  
注池水經滎陽縣北斷山東北注於濟世謂

之礫石澗亦  
謂之礫溪

石門渠

在滎澤縣西二十里蒙濟受河處即禹貢  
導河之道亦曰滎口始皇二十六年王賁

斷故渠引水灌大梁謂之梁溝水卽此水也水經  
注齊水入東合滎流是也蘇代曰決滎口魏無大  
梁亦指此後漢永平中河流入汴充豫皆被其害  
明帝使王景修治之卽其處也又靈帝建寧四年  
於敖城西北壘石爲門以過浚儀渠口水門廣十  
餘丈西去河三里渠水盛則通於河水耗則輟流  
魏黃初中大水河濟泛溢鄧艾議開石門以通之  
周齊之間更其名曰汴口堰隋開皇七年使梁睿  
增築漢古堰過河入汴自是又更名曰梁公堰大  
業初又開通濟渠自板渚引河經滎澤入汴胡氏  
曰大河自板城渚口東過滎陽蒗蕩渠出焉是渠  
南出爲汴水漢之滎陽石門卽其地也唐開元二  
年河南尹李傑請開梁公堰以通漕公私便利十  
四年洛陽人劉宗器請於滎澤口開梁公堰置斗  
門以通淮汴明年命將作大匠范安及檢行鄭州  
河口斗門疏決舊河旬日而畢胡三省曰自漢

築榮陽石門而齊與河合流入海不入榮賣矣

**汜水**

源出汜水縣之方山水經注汜者取水決後入之義北經虎牢城東又北由孤村背以下

入河山海經曰浮戲之山汜水出焉浮戲即方山也左傳昭公二十二年子朝之亂王師軍於汜水又項羽大司馬曹咎守成皐渡汜水擊漢軍漢乘其半渡而擊之大破楚軍唐武德四年李世民擊竇建德東涉汜水直薄其陣又史謂漢高祖即位於汜水之陽即此

**板渚**

津名在汜水縣東四十里水經注河水過成阜而東合汜水又東經板城北有津謂之板

城渚口又東過榮陽深葭蕩渠出焉隋大業間開通濟渠自板渚引河歷榮澤入汴

**竹蘆渡**

在汜水縣東建炎二年岳飛敗金於汜水駐兵此地與敵相持

鴻溝

在河陰縣東北接廣武山與滎澤連即楚漢分界處

陝州

橐水

在陝州城南一名永定澗源出橐山水漫流南入河

昌谷

一名昌河源出陝州界經宜陽縣西九十里東南流入洛

光州

潢水

在光州南源出湖廣麻城縣分水嶺東流歷光山縣境又東至光州城西北復貫州城而

東出又折而北注於淮水其入淮處謂之黃口俗呼為小黃河

梅林河

在光山縣東南三十里源出縣南之金帛山東流會官渡水入淮

高陌河

在光山縣南四十五里源出縣南八十里之白陂山東北會臨仙河而入於官渡河

又南九十里有陡山河又南十里有三道河俱東北流入官渡河

寨河

在光山縣北二十里縣西四十五里有清流河合焉至縣東北有寨河橋跨其上又東北

注於淮

泊陂河

在光山縣東南四十五里商城縣之五水關河合焉下流注於淮

史河

在固始縣東二十里源出商城縣之牛山東北流經均濟等閘又東至江南霍邱縣入於

淮

曲河

在固始縣西十五里源出商城縣之斛山東北流過縣又東入於史河



春河

在固始縣南十五里源出商城縣之馬鞍山東流入淮

石槽河

在固始縣南四十五里源出商城縣之大蘇山北流入於史河

泉河

在固始縣東四十里東北入於淮

淝水

在固始縣南五十里自江南六安州霍山縣發源西北流逕縣境又東北入江南霍邱縣

界經壽州西

南而入於淮

灌水

在固始縣西南四十五里有大灌小灌之稱水經注灌水出大蘇山流入霍邱縣合史河

入於淮

閭河

在息縣東北九十里自高皇陂東流合撞陂共入淮又縣東南四十里為谷河東北一百

里為營河  
皆入淮

牛山河

在商城縣南七十里即  
固始史河之上源也

五水關河

在商城縣西南十里其源為考溪十八  
道河出銅井山西南流為五水入光山

縣界合泊陂  
河而入淮

五河

在商城縣南曰商城曰秦蘇曰下馬曰回道  
曰麻埠俱出金剛臺山北流入固始縣界合

史河  
入淮

河防職官

附河兵堡夫

總督河南山東河道提督軍務正副各一員

正駐劄  
山東濟

寧州 副駐劄

河南蘭陽縣

河南管河兵備道一員

駐劄省城

分守河北河務兵備道一員

駐劄懷慶府武陟縣

開封府上南河同知一員

駐劄中牟縣楊橋

開封府下南河同知一員

駐劄開封府城

開封府上北河同知一員

駐劄楊武縣

開封府下北河同知一員

駐劄祥符縣陳橋鎮

彰德府管河同知一員

駐劄彰德府城

懷慶府黃河同知一員

駐劉武陟縣二鋪營

鄭州州判一員

駐副州城

歸德府管河通判一員

駐副考城縣

衛輝府管河通判一員

駐副衛輝府

懷慶府沁河通判一員

駐副河內縣清化鎮

河南府兼管河務通判一員

駐副河南府城

滎澤縣縣丞一員

駐副滎澤縣

陽武縣縣丞一員

駐副陽武縣

中牟縣縣丞一員

駐劉中牟縣

祥符縣縣丞一員

駐劉祥符縣

陳留縣縣丞一員

駐劉陳留縣

蘭陽縣縣丞一員

駐劉蘭陽縣

儀封縣縣丞一員

駐劉儀封縣

虞城縣縣丞一員

駐劉虞城縣

安陽縣縣丞一員

駐劉安陽縣

湯陰縣縣丞一員

駐劉湯陰縣

內黃縣丞一員

駐劄內黃縣

汲縣縣丞一員

駐劄汲縣

新鄉縣縣丞一員

駐劄新鄉縣

獲嘉縣縣丞一員

駐劄獲嘉縣

淇縣縣丞一員

駐劄淇縣

濬縣縣丞一員

駐劄濬縣

滑縣縣丞一員

駐劄滑縣

武陟縣縣丞一員

駐劄武陟縣

河內縣縣丞一員

駐劄河內縣

修武縣縣丞一員

駐劄修武縣

鞏縣縣丞一員

駐劄鞏縣

靈寶縣縣丞一員

駐劄靈寶縣

閿鄉縣縣丞一員

駐劄閿鄉縣

原武縣縣丞一員

駐劄原武縣

陽武縣縣丞一員

駐劄陽武縣

封邱縣主簿一員

駐劄封邱縣

祥符縣南岸主簿一員

駐劄祥符縣

祥符縣主簿一員

駐劄祥符縣陳橋鎮

蘭陽縣主簿一員

駐劄蘭陽縣王里集

儀封縣主簿一員

駐劄儀封縣小宋集

商邱縣主簿一員

駐劄商邱縣

考城縣主簿一員

駐劄考城縣

虞城縣主簿一員

駐劄虞城縣

輝縣主簿一員

駐劄輝縣



孟縣主簿一員

駐劄孟縣

滎澤縣主簿一員

駐劄滎澤縣

武陟縣沁河主簿一員

駐劄武陟縣木梨店

祥陳巡檢一員

駐劄祥陳縣黃李集

蘭儀巡檢一員

駐劄蘭儀縣張村集

林縣典史一員

駐劄林縣

懷河營守備一員

駐劄二舖營

豫河營守備一員

駐劄豫河曹家寨

祥陳二汛千總一員

蘭儀二汛千總一員

歸河千總一員

秦家廠千總一員

祥陳二汛把總一員

蘭儀二汛把總一員

原陽封三汛把總一員

榮鄭陽中四汛把總一員

河兵一千名

秦家殿等工河兵一百名

又武陟縣黃河堡夫一百名

鄉徭堡夫共九百七十四名

又新添堡夫三百四十名

黃河堤工

附堡房

南岸沿河大堤自滎澤縣舊縣迤南堤頭起至江南  
礪山縣交界止通計長四百六十一里零四十九

丈

月堤通長一百一十五里六十一丈五尺

一滎澤南岸沿河大堤自舊縣迤南堤頭起至鄭州  
堤界止順長十一里一百七十丈五尺 堡房六  
座

一鄭州南岸沿河大堤自滎澤堤界起至陽武縣堤  
界止順長三十五里九十八丈 堡房十八座

一陽武縣南岸沿河大堤自鄭州堤界起至中牟縣

堤界止順長四里一百六十丈 堡房二座

一中牟縣南岸沿河大堤自陽武堤界起至祥符縣  
堤界止順長五十二里九十八丈五尺 堡房二  
十六座

又大堤北司家口月堤長四里四十五丈五尺

堡房二座

一祥符縣南岸沿河大堤自中牟堤界起至陳留堤  
界止順長八十六里一百一十三丈 堡房四十

三座

又新舊月堤九十三里一百一十五丈 堡房四十七座

一陳留縣南岸沿河大堤自祥符縣堤界起至蘭陽縣堤界止順長十九里三十三丈 堡房十座

又月堤長三里一百六十丈 堡房二座

一蘭陽縣南岸沿河大堤自陳留縣堤界起至儀封縣堤界止順長二十六里一百二十三丈 堡房

十三座

又月堤長五里一百七十二丈 堡房三座

一儀封縣南岸沿河大堤自蘭陽縣堤界起至考城縣堤界止順長五十四里一百五十三丈 堡房二十七座

又月堤長七里一百九丈 堡房四座

一考城縣南岸沿河大堤自儀封縣堤界起至商邱縣堤界止順長六十里 堡房三十座

一商邱縣南岸沿河大堤自考城縣堤界起至虞城縣堤界止順長四十二里 堡房二十一座

一虞城縣南岸沿河大堤自商邱縣堤界起至江南碭山縣交界止順長六十七里 堡房二十三座

北岸沿河大堤自武陟縣沁河頭起至山東曹縣堤界止通計長三百三十五里零一百一丈 月格

撐橫等堤通長一百一里零三丈

一孟縣黃河西自濟源縣界起東至溫縣界止小金



堤七里

一武陟縣北岸大堤自沁河堤頭起至滎澤縣堤界止遙月堤順長三十二里一百一丈堡房十六座

又秦家廠北壩尾堤格堤并南壩尾堤共長十八里一百三十九丈堡房九座

又馬營口堤長十四里一百七十七丈堡房七座

卷十二  
一滎澤縣北岸沿河大堤自武陟堤界起至原武堤界止順長八里 堡房四座

一原武縣北岸沿河大堤自滎澤堤界起至陽武堤界止順長五十里 堡房二十五座

一陽武縣北岸沿河大堤自原武縣堤界起至封邱縣堤界止順長四十里 堡房二十座

又月石橫堤長一百丈 堡房一座

又金馬張橫堤長一里零六十丈 堡房一座

一 封邱縣北岸沿河大堤自陽武縣堤界起至祥符縣堤界止順長四十里 堡房二十座

一 祥符縣北岸沿河大堤自封邱縣堤界起至陳留縣堤界止順長五十八里 堡房二十九座

又 祥符封埽壩月堤長五里零一百四十三丈 堡房三座

一 陳留縣北岸沿河大堤自祥符堤界起至蘭陽堤界止順長二里 堡房一座

一蘭陽縣北岸沿河大堤自陳留堤界起至儀封堤界止順長四十九里 堡房二十四座

又銅瓦廂撐堤長一里零七丈 堡房一座

又橫堤長一里零一百一十七丈 堡房一座

又月堤長四里零七十七丈 堡房二座

又南圈堤長七里零六十七丈 堡房三座

又耿家寨大月堤長十里零一百七十八丈 堡

房五座

又四門堂月堤長六里零六丈 堡房三座

一儀封縣北岸沿河大堤自蘭陽縣堤界起至山東

曹縣堤界止順長五十六里 堡房二十八座

又堽陽集月堤長八里零一百一十八丈 堡房

四座

又曲家樓月堤長二里零一百六十二丈 堡房

一座

又楊家樓月堤長九里零一百三十二丈 堡房

五座

又王家莊後月堤長六里零一百四十丈堡房

三座

一太行堤自武陟沁河堤起至滑縣東界止共長三

萬九千三百四丈六尺

武陟縣太行堤長七千四百六十五丈八尺

獲嘉縣太行堤長五千五百四十九丈

新鄉縣太行堤長一萬九百七丈八尺

延津縣太行堤長七百五十一丈

又歸併胙城太行堤長一萬二千四十一丈

滑縣太行堤長二千五百九十丈

一懷慶府河內縣丹河堤長六里

又小丹河自太史莊起至武陟縣界止長五千四十五丈七尺兩岸各築小堤長與河等

一武陟縣小丹河自河內縣界起至修武縣界止長五千二百二十三丈兩岸各築小堤長與河等

一修武縣小丹河自武陟縣界起至獲嘉縣界止又  
獲嘉縣北岸有修武縣丹河一百三十三丈二尺  
共長一萬一千二百六十一丈九尺五寸兩岸各  
築小堤長與河等

一獲嘉縣小丹河自修武縣界起至新鄉縣界止長  
五千八百一十九丈四尺五寸兩岸各築小堤長  
與河等

河南通志卷十二



欽定四庫全書

河南通志卷十三

河防二

河防考

周定王五年河徙

按蔡傳周定王五年河徙矜礫漢書無矜礫二字  
又按禹貢論第十一篇有云周定王五年河徙故  
瀆亦無矜礫字又按賈讓治河奏有滎陽漕渠如  
淳曰今礫豁口是也師古曰礫豁即水經所云沛  
水東過礫豁者亦非矜礫似誤但此即  
黃河遷徙之始自是禹之故道浸失矣

秦始皇二十二年王賁攻魏引河溝灌大梁大梁城

壞

河溝者鴻溝也水經注陰溝本蒗蕩渠在浚儀縣北自王賁斷故渠引水東南出以灌大梁謂之梁溝於是水出縣南而不逕其北遂目梁溝為蒗蕩渠亦曰鴻溝浚儀故縣在今開封府西北大梁城魏所都也本禹貢錙指

漢文帝十二年十二月河決東郡

武帝元光三年春河徙頓丘

頓丘本衛地

夏復決濮陽瓠子注鉅野泛淮泗漫郡十六發卒  
十萬塞之復壞

時田蚡食鄒鄒在河北河決則無水患遂陰阻之  
因不塞按濮陽即今山東濮州瓠子今滑縣鉅

野今山東鉅野縣鄒  
音輸即清河縣也

元封二年四月塞瓠子決口

河自文帝十二年決至武帝元光三年凡三十六  
年至是幾四十年帝封禪泰山還自臨決口命從  
臣將軍以下皆負薪沉白馬玉璧於河而塞之是  
時東郡燒草以故薪少乃下淇園之竹為楗既塞  
作宮其上名曰宣房宮導河北行二渠復禹舊跡  
作瓠子之歌此後河復決於館陶分為屯氏河

東北經魏郡清  
河信都入海

# 成帝建始四年秋大水河決東郡金隄

先是清河郡尉馮遂奏言郡承河下流土壤輕脆  
易傷頃所以間無大害者以屯氏河通兩川分流  
也今屯氏河塞靈鳴犢口又益不利獨一川兼受  
數河之水雖高增隄防終不能泄如有霖雨旬日  
不霽必盈溢靈鳴犢口在清河東界所處最下雖  
令通利猶不能為魏郡清河減損水患禹非不愛  
民力以地形有勢故穿九河今既減難明屯氏河  
絕未久其處易浚又其口居高於以分殺水力道  
里便宜可復浚以助大河泄暴水備非常不豫為  
修治北決病四五郡南決病十餘郡然後憂之晚  
矣事下丞相御史以為方用度不足可勿浚至是  
果決泛濫兗豫灌四郡三十二縣水居地十五萬

餘頃淤者三大壞民室廬且四萬所王延世為河  
陸使者以計長四丈大九圍盛以小石兩船夾  
截而下之三十六日河隄成遂  
改元為河平本漢書溝洫志

### 鴻嘉四年患底柱隘遣楊焉鑄廣之河大溢

楊焉言從河上下患底柱隘可鑄廣之上從其言  
鑄弗克而水溢湍怒於是渤海清河信都灤縣邑  
三十一河隄都尉許商與丞相使縣禁共行視圖  
方略禁以為可決平原金隄間開通大河令入故  
寫馬河至海五百餘里水道浚利許商以為禁所  
欲開者在九河南寫馬河失水之迹處勢平夷旱  
則淤絕水則為陂不可許而李尋等復言議者為  
欲索九河故道而穿之今因其自決可勿塞以  
水性何居然後順天心而圖之於是遂止不塞  
丹等數言百姓可哀但遣使賑贍之本漢書溝洫

志 萬馬河在  
今山東德州

卷三

綏和二年哀帝即位領河隄使平當言宜博求能  
浚川疏河者下丞相孔光大司空何武奏請部刺  
史三輔三河弘農太守舉吏明能者莫有應書

待詔賈讓奏言治河有上中下三策古者立國居  
民疆理土地必遺川澤之分度水勢所不及大川  
無防水小得入陂障卑下以為汙澤使秋水多得  
有所休息左右游波寬緩而不迫夫土有川猶人  
之有口也治土而防其川猶止兒啼而塞其口豈  
不遽止然其死可立而待也故曰善為川者決之  
使道善為民者宣之使言蓋隄防之作近起戰國  
壅防百川各自以利齊與趙魏以河為境趙魏頻

山齊地卑下作隄去河二十五里河水東抵齊隄則西泛趙魏趙魏亦為隄去河二十五里雖非其正水尚有游盪時至而去則填淤肥美民耕田之或久無害稍築室宅遂成聚落大水時至漂沒則更起隄防以自救稍去其城郭排水澤而居之湛溺自其宜也今隄防隄者去水數百步遠者數里近黎陽南故大金隄從河西西北行至西山南頭折東與東山相屬民居金隄東為廬舍往十餘歲更起隄從東山南頭直南與故大隄會又內黃界中有澤方數十里環之有隄往十餘歲太守以賦民民今起廬舍其中此臣親見者也東郡白馬故大隄亦復數重民皆居其間從黎陽北盡魏界故大堤去河遠者數十里內數重此皆前世所排者也河從河內北至黎陽為石堤激使東抵東郡平剛又為石堤使西北抵黎陽觀下又為石堤使東北抵東郡津北又為石堤使西北抵魏郡昭陽又

為石堤激使東北百餘里間再西三東迫阨如此  
不得安息今行上策徙冀州之民當水冲者決黎  
陽遮害亭故河使北入海河西薄太山東薄金隄  
勢不能遠泛監期月自定難者將曰若如此敗壞  
城郭田廬塚墓以萬數百姓怨恨昔大禹治水山  
陵當路者毀之故鑿龍門辟伊閼析底柱破碣石  
墮斷天地之性此乃人功所造何足言也今瀕河  
十郡治隄歲費且萬萬及其大決所殘無數如出  
數年治河之費以業所徙之民遵古聖之法定山  
川之位使神人各處其所而不相奸且以大漢方  
制萬里宣其與水爭咫尺之地哉此功一立河定  
民安千載無患故謂之上策若乃多穿漕渠於冀  
州地使民得以溉田分殺水怒雖非聖人法然亦  
救敗術也難者將曰河水高於平地歲增隄防猶  
尚決溢不可以開渠臣竊按視遮害亭西十八里  
至淇水口迺有金堤高一丈自是東地稍下堤稍



高至遮害亭西四五丈往五六歲河水大溢增丈  
七尺壞黎陽南郭門入至堤下水未踰堤二尺所  
從堤上北望河高出民室百姓皆走上山水留十  
三日隄潰二所吏民塞之臣循堤上行視水勢南  
七十餘里至淇口水適至堤半計出地上五尺所  
今可從淇口以東為石堤多張水門初元中遮害  
亭下河去堤足數十步至今四十歲適至堤足由  
是言之其地堅矣恐議者疑河大川難禁制黎陽  
漕渠足以卜之其水門但用水與土耳今據壑地  
作石堤勢必完安冀州渠首盡當印此水門治渠  
非穿地也但為東方一堤北行三百餘里入漳水  
中其西因山足高地諸渠皆往往股引取之旱則  
開東方下水門澆冀州水則開西方高門分河流  
通渠有三利不通有三害民常罷於救水半失作  
業水行地上湊澀上徹民則病濕氣禾皆立枯鹵  
不生穀決溢有敗為魚鱉食此三害也若有渠溉

則鹽鹵下濕填淤加肥故種禾麥更為秔稻高田  
五倍下田十倍轉漕舟船之便此三利也今瀕河  
堤吏卒郡數千人伐買薪石之費歲數千萬足以  
通渠成水門又民利其溉灌相率治渠雖勞不罷  
民田適治河隄亦成此誠富國安民興利除害支  
數百歲故謂之中策若乃繕完故堤增卑培薄勞  
費無已數逢其害此最  
下策也本漢書溝洫志

賈讓三策古今稱之其上策放河使北入海即禹  
之故智也今妨運道已不可行其中策謂據堅地  
作石堤開水門然自漢至今中州大名之境率為  
河所淤無復堅地而河流不常與水門每不相值  
或并水門而沖決淤漫之濬治無已所溉之地一  
再歲而高矣西方地高水安可往使讓復作或亦  
不可行矣惟宋任伯雨曰河流混濁淤泥相半流  
行既久迤邐淤澱久而必決者勢也惟宜因其所

向寬立隄防約攔水勢使不至大段漫  
流此則治水者所當審也本問水集

明帝永平十二年四月詔修汴渠遣王景與匠作謁

者王吳督工自滎陽至千乘海口

汴渠即蕩蕩渠也汴渠自滎陽受河故謂石門在  
滎陽山北一十里過汴以東積石為堤亦名金門

千乘今濟

南府濱州

永平十三年四月汴渠成

初平帝時汴河決壞久而不修建武十年光武欲  
修之浚儀令以民新被兵革未宜興役諫止之其  
後汴渠東浸日月彌廣百姓怨咨乃命王景與王  
吳修之至是渠成自滎陽至千乘海口千餘里每

十里立一水門令更相迴注無復潰漏之患汴渠分流復其故迹辛巳行幸滎陽巡行汴渠美其功績拜河隄謁者三遷為御史本後漢書王景傳

安帝元初二年正月詔修理西門豹所分漳水為支渠以溉民田

史記西門豹為鄴令發人鑿十二渠引漳水灌田在今相州鄴縣西

順帝陽嘉三年詔自汴河口以東緣河積石為堰堰成刻石記之

記曰惟陽嘉三年二月丁丑使河隄謁者王遂疏達河川通荒庶上云大河衝塞使囁金隄以竹籠

石葺塋土而為造壤墮無已功清億萬請以濱河  
郡徙疏山采石壘為障功業既就徭役用息詔書  
許誨立功府鄉起基經始詔策加命遷在沂州乃  
簡朱軒授使司馬登令續茂前緒緝遂休功登以  
伊洛合注大河南則緣山東過大伾回流北岸其  
勢鬱鯨壽怒湍急激疾一有決溢彌原漫野蟻孔  
之受害起不測蓋自姬氏之所常慮昔崇鯨所不  
能治我二宗之所劬勞於是乃跋涉躬親經之營  
之北率百姓共之於山伐石三谷水匠致治立激  
岸側以軒鴻波慶賜說以勸之川無滯越水上通  
演後未踰年工程有異斯乃元勲之嘉謨上德之  
弘表也昔禹修九道書錄其功后搜躬稼詩列於  
推夫不憚勞勩之勤夙興厥職充國惠民弗  
得湮沒而不章焉故遂刊石記功垂示於後

晉武帝泰始七年六月大霖雨河洛伊沁皆溢

隋煬帝大業元年開通濟渠

自西苑引穀洛水達於河復自板渚引河歷滎陽入汴自大梁之東引汴入泗以達於淮又開邳溝入江按穀水在永寧縣北七十里洛水在河南府南三里

大業四年開永濟渠引沁水南達於河

沁水出山西沁源縣綿山穿太行達齊源經武陟入河

唐高祖武德七年治中雲得臣自龍門引河溉田六

十餘頃

太宗貞觀十一年九月河溢壞陝州河北縣毀河陽

中渾幸白司馬坂觀之賜瀕河遭水家粟帛

按河陽即今懷慶府孟縣後魏太和中築中城東魏元象元年又築南城及中渾城是為三城中有河橋杜預所造魏爾朱榮之亂及爾朱降再亂與高歡宇文泰相持皆以三城河橋為戰守唐襲王世充河陽城焚河橋又郭子儀以兵斷河陽橋即此金大定中以河患因於故城北十五里築新城徙治焉曰上孟州其故城曰下孟州本行水金鑑

是年洛水溢

高宗永淳二年七月河溢壞河陽橋

武后如意元年八月河溢壞河陽縣

聖歷元年秋黃河溢

玄宗開元五年六月鞏縣暴雨連月山水泛溢漂沒  
民舍七百餘家 同日汜水溢沒民人二百餘家

開元十年五月伊汝水溢

開元十有四年秋大水河南河北尤甚河及支川  
皆溢懷衛鄭滑人皆巢居舟居

八月河決衛州

開元二十九年七月洛水溢



代宗大歷十二年秋大雨河溢河南平地深五尺

憲宗元和八年十二月河溢浸滑州羊馬城之半滑  
州薛平魏博田洪正徵役萬人於黎陽界開古黃  
河道南北長十四里東西濶六十步經黎陽山東  
會於古瀆名曰新河自是滑人無水患

文宗開成三年夏河決浸鄭滑外城

昭宗大順二年二月河陽河溢壞人廬舍

乾寧三年四月河圯於滑州朱全忠決其堤因為

二河散漫千餘里

梁末帝龍德三年段凝以唐兵漸逼乃自酸棗決河東注於鄆以限唐兵謂之護駕水決口日大屢為曹濮患

後唐莊宗同光二年八月河溢

同光三年詔平盧節度使符習治酸棗遙堤以禦決河

明宗天成四年十二月修治河北岸自酸棗至濮州

廣隄防一丈五尺東西二百里

晉高祖天福六年九月滑州河決

十月河決滑濮鄆澶諸州詔所在發舟救民

天福七年三月歸德軍節度使安彥威塞決河於滑州

安彥威督諸道運民自豕韋之北築堰數十里給私財以犒民民無散者竟止其害以功加邠國公詔於河決之地建碑立廟本通鑑

出帝開運元年六月河決滑州環梁山入於汶濟

滑州河決詔發數道丁夫塞之既塞欲刻碑紀事  
中書舍人楊昭諫曰刻石紀功不若降哀痛之詔  
染翰頌美不若頌罪已之  
文帝善其言而止本通鑑

開運三年六月河決魚池

魚池在  
滑州

九月河決澶滑懷州

十月河決衛州又河決原武

隱帝乾祐元年四月河決原武

六月河決滑州魚池

乾祐三年六月河決原武

周太祖廣順二年十二月河決鄭滑王峻請自行視修塞之

世宗顯德元年遣使分塞決河十一月河堤成

河自楊劉至博州百二十里連年東潰分為二派  
彌漫數百里又東北壞古堤而出至是命李穀修  
之役徒六萬三千  
日畢工本通鑑

顯德二年謀伐唐因浚儀故堤疏導之東至泗上

顯德四年疏汴水入五丈河

顯德五年疏汴水達於淮

初導河自開封歷陳留其廣五丈故名五丈河又名白溝河即武后歲初元年引汴水入白河者也唐末湮塞至是始疏導之以通齊魯江淮之舟楫此為河流合淮之始

宋太祖乾德元年正月修畿內河堤

乾德三年七月河決開封府滎陽武河中府孟州並河水漲孟州壞中渾城軍營民舍數百區又壞堤岸石又溢於鄆州壞民田詔發兵治之

乾德四年七月河水壞滎澤河南北堤岸

八月滑州河決壞靈河縣大堤詔殿前都指揮使  
韓重寶馬步軍都軍頭王廷義督士卒丁夫數萬  
人治之被泛者蠲其秋租

乾德五年正月以河堤屢決分遣使行視發畿內  
丁夫繕治自是歲以為常以正月首事季春而畢  
詔以開封大名府鄆滑孟濮齊淄滄棣濱德博  
懷衛鄭等州長史并兼本州河隄使蓋以謹力役  
而重水患也

八月河溢入衛州城民溺死者數百

開寶元年六月河溢壞民田廬舍

開寶三年正月增河隄

十二月復增河堤

開寶四年六月河決原武汴決穀熟

七月汴決宋城

開寶五年正月詔緣河州縣委長吏課民種榆柳  
及土地所宜木仍按戶籍高下定為五等第一等



歲樹五十本第二等以下遞減十本民欲廣樹藝者聽其孤寡惇獨者免

三月詔曰河渠潰決屢為民害故署使職以總領焉宜委官聯佐治其事自今開封等十七州府各置河堤判官一員以本州通判充如通判闕員即以本州官充

五月河大決陽武及濮陽詔發諸州兵及丁夫凡五萬人遣潁州團練使曹翰護其役謂曰朕焚香

告天若天災流行願在朕躬勿延於民翰至河上  
親督工役未幾決塞

六月詔曰凡縉紳多士草澤之倫有素習河渠之  
書深知疏導之策者許詣闕上書附驛條奏朕當  
親覽用其所長勉副詢求當示甄獎有東魯逸人  
田生纂禹元經十二篇帝聞之詔至闕下詢以治  
水之道善其言將授以官以親老固辭從之

八月河溢衛州

開寶六年正月河決獲嘉縣

開寶七年六月河溢安陽縣壞民居

開寶八年河決頓丘

太宗太平興國二年六月孟州河溢壞溫縣堤七十餘步壞滎澤縣寧王村堤三十餘步

七月河決孟州之溫縣鄭州之滎澤澶州之頓丘皆發緣河之丁夫塞之又遣大將軍李崇矩行視水勢堤岸之缺而亟繕之被災者悉蠲其租

太平興國三年正月命使十七人分治黃河堤以備水患

五月懷州河決獲嘉縣北注

是年夏河決滎陽詔翟守素發鄭之丁夫千五百人與卒千人領護塞之

十月滑州靈河縣塞復決命西上閤門使郭守文發卒塞之

太平興國四年八月宋州河決宋城縣

九月衛州河決汲縣壞新場堤

太平興國五年河決懷州

太平興國六年滑州治防河材葦未具命南作坊  
副使李神佑馳往垣曲伐薪蒸四百萬以濟其用  
太平興國七年十月河決懷州武陟縣害民田

太平興國八年五月河大決滑州韓村泛澶濮曹  
濟諸州民田東南流至彭城界入於淮十二月塞  
之

先是堤久不成命使者按視遠堤舊址回奏云治遙堤不如分水勢自孟抵鄆雖有隄防惟滑與澶最為隘狹於此二州之地可立分水之制宜於南北岸各開其一北入王莽河以通於海南入靈河以通於淮節減暴流一如汴口之法量其遠邇作為斗門啓閉隨時務乎均濟通舟運溉農田此富庶之資也不報時多陰雨河久不塞命樞密直學士張齊賢乘傳詣白馬津用太牢加璧以祭十二月遂塞本宋史河渠志

### 六月陝州河漲壞淳梁

是年自夏及秋開封浚儀酸棗陽武封丘長垣中牟尉氏襄邑雍邱等縣河水溢害民田

太平興國九年春河復決滑州之房村帝不忍困民發卒五萬以侍衛步軍都指揮使田重進領其役又命學士宋白以太宰加壁祭白馬津河既塞作河平歌以賜近臣蠲被災州縣田租

八月孟州河漲壞民田命御史索湘戶部推官元玘同按行

淳化元年孟州河漲

淳化二年三月詔長吏以下及巡河主埽使臣經

度行視河堤勿致壞隳違者當寘於法

是年閏月河水溢

四月河水溢

六月河水汴水溢又陝州河漲壞大堤又河溢於浚儀縣壞民堤上親臨督衛士塞之又決於宋城

縣

趙孚知開封府司錄參軍事詔與侍御史柴成務供奉官葛彥恭參直郭載行視黃河分南北岸按行復遙堤以紓湍決孚言治遙堤不如分水勢建議於澶滑二州立分水之制時決河未平重惜民



力而寢焉本  
宋史趙孚傳

淳化四年十月巡河供奉官梁睿上言滑州土脈  
疏岸差隲故每歲河決南岸請於迎陽驛鑿渠引  
水凡四十里至黎陽合大河以防暴漲許之

淳化五年正月滑州新渠成帝又命羅州刺史杜  
彥鈞率兵大鑿河開渠自韓村埽至州西鐵狗廟  
凡十五里複合於河以分水勢

至道二年閏七月陝州河漲

真宗咸平三年詔緣河官吏雖秩滿須水落受代知州通判兩月一巡堤縣令佐迭巡堤防轉運使勿委以他職又申嚴盜伐河上榆柳之禁

大中祥符四年九月河溢於孟州溫縣

大中祥符八年京西轉運使陳堯佐議開滑州小河以分水勢遣使視利害以聞及還請規度自三迎楊村北治之復開議河於上游以泄其壅溢詔可

天禧元年河決滑州大興力役

天禧三年六月滑州河溢城西北天臺山旁俄復潰於城西南岸摧七百步漫浸州城歷澶濮曹鄆注梁山泊又合清水古汴渠東入於淮州邑罹患者三十二即遣使賦諸州薪石槌輟芟竹之數千六百萬發兵夫九萬人治之

天禧四年二月滑州決河塞

初滑州以天臺決口去水稍遠聊興葺之及西南隄成乃於天臺口傍築月堤

祠部員外郎李垂

言請自上流引北載之高地東至大伾瀉復於澶  
淵故道使南不至滑州北不出通利軍界何以計  
之臣請自衛州東界曹公所開運渠東五里河北  
岸凸處就岸實土堅引之正北稍東十三里破伯  
禹故堤注裴家潭逕牧馬坡又正東稍北四十里  
鑿大伾西山醴為二渠一逼大伾南足決古堤正  
東八里復澶淵舊道一通通利軍城北西河口至  
大禹所導西河故瀆正北稍東五里南北大堤又  
東七里入澶淵舊道與南渠合夫如是則北載之  
高地大伾二山睢股之間分酌其勢浚瀉兩渠匯  
注東北不遠三十里復合於澶淵舊道而滑州不  
治自固矣疏奏朝議慮其煩擾罷之本宋史河渠  
志

六月望河復決天臺下走衛南浮徐濟害如三年

而益甚帝慮殫困民力詔京東西河北路經水災  
州軍勿復科調丁夫其守扞隄防役兵仍令長吏  
存恤而審休之

天禧五年正月知滑州陳堯佐以西北水壞城無  
外禦築大堤又疊埽於城北護州中居民又就鑿  
橫木下垂木數條置水傍以護岸謂之木龍復并  
舊河開支流以分殺水勢民德之呼其堤為陳公  
堤有詔嘉獎

仁宗天聖元年五月命魯宗道按視滑州決河

八月募民輸芟塞滑決河

是年以滑州決河未塞詔募京東河北陝西淮南  
民輸薪芻調兵伐瀕河榆柳賙溺死之家

天聖二年遣使詣滑衛行視河勢

天聖五年七月發丁夫三萬八千卒二萬一千緡  
錢五十萬塞滑州河決十月河平塞決時限轉運  
使五日一奏河事塞河成以其近天臺山麓名曰

天臺埽

天臺山在滑州西北

十二月濬魚池埽減水河

天聖八年詔河北轉運司計塞河之備良山令陳曜請疏鄆滑界糜丘河以分水勢遂遣使行視遙堤

康定元年九月滑州大河泛溢壞民廬舍

慶歷元年詔權停修決河河久不塞議開分水河

以殺其暴未興工而河流自分有司以聞遣使特祀之

皇祐元年河溢魚池埽且決知滑州陳希亮悉召河上使者發兵捍之

嘉祐三年七月廣濟河溢原武縣河決遣官行視賑被水害者

十一月罷都水監河渠司

嘉祐八年秋大水毀河陽中渚



按河中一洲名曰中潭上有河伯祠水環四周喬木蔚然自此遂無遺跡今懷慶府西有河陽廢縣中潭即今河中  
之郭家灘也

神宗熙寧四年二月詔增漳河等役兵

十月河溢衛州王供時新堤凡六埽而決者三

熙寧六年四月有選人李公義獻鐵龍爪揚泥車

法以濬河其法以鐵為爪形以繩繫舟尾而沈之

水篙工急擢乘流相繼而下一再過水已深數尺

宦官黃懷信以為可用而患其太輕王安石令懷

信公義同議增損乃別製濬川杷以巨木長八尺齒長二尺列於木下如杷狀以石壓之兩傍繫大繩兩端釘大船相距八十步各用滑車絞之去來攪蕩泥沙已又移船別濬或謂水深則杷不能及底水淺則齒碍泥沙曳之不動卒乃反齒向上而曳之文彥博言河非杷可濬雖天下至愚之人皆知無益臣不敢雷同罔上帝不悅使知制誥熊本等行視如彥博言而都水丞范子淵力言熊本等

見安石罷意彥博復相故附會其說蔡確亦論本  
奉使無狀本等皆得罪獨彥博勿問熙寧十年五  
月滎澤河堤急詔判都水監俞光往治之

七月河復溢衛州王供埽及汲縣上下埽懷州黃  
沁滑州韓村遂大決於澶州曹村澶淵北流斷絕  
河道南徙東匯於梁山張澤灤分為二派一合南  
清河入於淮一合北清河入於海凡灌縣郡四十  
五而濮齊鄆徐尤甚遣使修閉

八月又決鄭州滎澤

元豐五年八月河決鄭州原武埽溢入利津陽武  
溝刁馬河歸梁山灤詔曰原武決口已引奪大河  
四分以上不大治之將貽朝廷巨憂其輟修汴河  
堤岸司兵五千併力修築至十二月塞

九月滑州河水溢

是年秋相州漳河決溺臨漳縣居民又滏河水泛  
濫臨漳縣斛律口決壞官私廬舍傷田稼

十月洛口廣武埽大河水漲塌岸壞下牐斗門詔  
都水監速護之

元豐七年七月命護陽武埽

大抵熙寧初專欲導東流閉北流元豐以後因河  
決而北議者始欲復禹故道神宗愛惜民力思順  
水性而難其人王安石力主程昉范子淵故二人  
尤以河事自任帝雖藉其才然每抑之及元祐元  
年子淵已改司農少卿御史呂陶劾其元豐六年  
興役至七年功用不成乞行廢放於是黜知兗州  
奪降知峽州其制畧曰汝以有限之財興必不可  
成之後驅無辜之民置之必死之地蓋中書舍人  
蘇軾詞也本  
宋史河渠志

哲宗元祐八年七月廣武埽危急詔王宗望亟往救  
護

紹聖元年十二月漳河決令計置堽塞

元符三年正月中書舍人張商英獻治河五策一  
曰行土沙河口二曰復平恩四埽三曰引大河自  
古漳河浮河入海四曰築御河西堤而開東堤之  
積五曰開木門口泄徒駭河東流大要欲隨地勢  
疏濬入海耳

四月河決蘇村

蘇村在開  
封府城東

徽宗建中靖國元年詔修蘇村西堤

初尚書省言自去夏蘇村漲水後全河漫流今已  
淤高三四尺宜立西堤於是左正言任伯雨奏河  
為中國患二千歲矣自古竭天下之力以事河者  
莫如本朝而徇衆人偏見欲屈大河之勢以從人  
者莫甚於近世臣不敢達引祇如元祐末年小吳  
決溢議者不顧地勢不念民力不惜國用建東流  
之說當洪流中立馬頭設鋸齒稍畧材力耗費百  
倍力遏水勢使之東注凌虛駕空非特行地上而  
已增堤益防惴惴恐決澄沙淤泥久而益高一旦  
決隤又復北流此非堤防之不固亦理勢之必至

也昔禹之治水不獨行其所無事亦未嘗不因其變而導之蓋河流混濁泥沙相半流行既久迤邐淤澱則久而必決者勢也或北而東或東而北亦安可以人力制哉為今之策惟宜因其所向寬立隄防約攔水勢使不至大段漫流若恐北流淤澱塘泊亦祇宜因塘泊之岸增設隄防乃為長策風聞近日又有議者獻東流之計不獨比年災傷居民流散公私匱竭百無一有事勢窘急固不可為抑亦自高注下湍流奔猛潰決未久勢不可改設若興工公私徒耗殆非利民之舉實自困之道也本

宋史河渠志

### 崇寧二年河決內黃

時岳飛生未彌月水暴至母姚抱飛坐甕中沖濤及岸人爭異之按飛死於紹興十一年辛酉飛年



三十九歲逆數至徽宗崇寧二年癸未正飛所生之年也本宋史岳飛傳

崇寧四年二月工部言乞修蘇村等處運糧河堤為正堤以支漲水較修棄堤直堤可減工四十四萬料七十一萬有奇從之

崇寧五年二月詔滑州繫浮橋於北岸仍築城壘置官兵護之

八月葺陽武副堤

大觀元年二月詔於陽武上埽第五鋪開修直河

至第十五鋪以分水勢

大觀三年八月詔沈純誠開兔源河

兔源在廣武埽對岸開者欲分埽下漲水也

政和四年十一月都水使者孟昌齡獻議導河大  
伾可置永遠浮橋

謂河流自大伾之東而來直大伾山西而止數里  
方回南東轉而過復折北而東則又直至大伾山  
之東亦止不過十里耳視地形水勢東西相直徑  
易會不十餘里間且地勢低下可以成河倚山可  
為馬頭又有中渾正如河陽若引使穿大伾大山  
及東北二小山分為兩股而過合於下流因是三

山為趾以繫浮橋省費數十百倍可寬河朔諸路之後朝廷喜而從之本宋史河渠志

政和五年置提舉修繫永橋所又詔店山至大伾山浮橋屬濬州者賜名天成橋大伾山至汶子山浮橋屬滑州者賜名聖功磨崖以刻之孟昌齡遷

### 工部侍郎

蔡京任孟昌齡為都水使者鑿大伾三山創天成聖功二橋大興工役兩河之民困不聊生而京憫然自以為稷契周召也本宋史蔡京傳

政和七年六月都水使者孟揚言舊河陽南北兩

河分流立中渾繫浮梁頃緣北河淤澱水不通行  
止於南河修繫一橋河頃窄狹水勢沖激每遇漲  
水多致損壞欲開修北河如舊修繫南北兩橋從  
之

重和元年三月詔滑州濬州界萬年堤全藉林木  
固護堤岸其廣行種植以壯地勢

五月詔孟州河陽縣第一埽自春以來河勢湍猛  
浸啗民田迫近州城其令都水使者同漕臣河陽

守臣固護

是秋兩廣武備危急詔內侍王仍相度措置

宣和元年十有二月免源渠成

宣和三年十一月水壞天成聖功兩橋官吏行罰  
有差

欽宗靖康元年二月御史許翰言孟昌齡孟揚孟揆  
父子相繼領職二十年過惡山積妄設隄防之功  
多張稍椿之數聚斂金帛交結權要內侍王仍為



金世宗大定初沿河上下設二十五埽六在河南十九在河北設官置屬以主其事

大定十一年河決王村南京孟衛州界多被其害  
大定十二年正月尚書省奏檢視官言水東南行  
其勢甚大至河陰廣武山循河而東至原武陽武  
東明等縣孟衛等州增築堤岸日役夫萬二千期  
以六十日畢

大定十三年三月尚書省請修孟津滎澤崇福埽

堤以備水患上乃命雄武八埽並以類從事

大定十七年七月大雨河決白溝詔增修河堤

先是祥符縣陳橋鎮之東至陳留潘岡黃河堤四十餘里以縣官攝其事南京有司請專設埽官九月乃設京埽巡河官一員

大定二十年河決衛州及延津京東埽瀰漫至於歸德詔自衛州埽下接歸德府南北兩岸增築堤以捍湍怒遂於歸德府般設巡河官一員埽兵二百人凡役夫之地與免今年稅賦



大定二十一年以河移故道命築堤以備

大定二十六年八月河決衛州堤壞其城

時詔劉瑋兼工部尚書往塞之時議當徙民以避其冲瑋曰不然天生五材遞相休旺今河決者土不勝水也俟秋冬之交水勢稍殺以漸興築庶幾可塞明年春瑋齋戒禱於河遂興工役河乃復故

本金史

劉瑋傳

是年徙衛州胙城縣

是年設都巡河官六員分任河務雄武榮澤原武陽武延津五埽則兼汴河事黃汴都巡河官蒞之

懷津孟津孟州及城北四埽則兼沁水事黃沁都  
巡河官蒞之崇福上下衛南壩上四埽屬衛南巡  
河官武城白馬書城教城四埽屬濟滑都巡河官  
東明西佳孟華浚城四埽屬曹甸都巡河官定陶  
濟北寒山金山四埽屬曹濟都巡河官又特設崇  
樞上下埽都巡河官兼石橋使一員凡巡河官皆  
水監廉舉總統埽兵萬二千人歲薪百一十一萬  
三千餘束草百八十三萬七百餘束椿杙之木不

與焉此備河之恒制也

十月諭宰臣曰聞宋時河防一步置一人可添設河防兵數

大定二十七年二月御史臺言自來沿河州縣官坐視管內河防決壞慢不介意若令沿河京府州縣長貳官皆與名銜管勾河防事如任內規措有方能禦大患或守護不謹以致疎虞臨時奏聞以議賞罰從之

大定二十八年以衛州為河所壞增築蘇門以徙  
州治及水退民不樂遷命大理少卿康元弼按視  
還言治故城便遂弗遷

大定二十九年十二月工部言營築河堤用工六  
百八萬餘就用埽兵軍夫外有四百三十餘萬工  
當用民夫遂詔命去役所五百里州府差雇其不  
差夫之地均徵雇錢驗物力科之每工錢百五十  
文外日支官錢五十文米升半仍命彰化節度使

內族喬都水少監大齡壽提控五百人往來彈壓  
章宗明昌元年正月尚書省言自今凡興工役先量  
負土遠近增築高卑定功立限榜諭使人先知無  
令增加力役并河防所用物色委都水監每歲於  
八月前先拘籍舊貯物外實闕之數及次年春工  
多寡移報轉運司計置於冬三月分限輸納如水  
勢不常夏秋暴漲危急則於相隣埽分防備之物  
用之不足復於所近州縣和買然復慮人戶道途

泥淖艱於運納止依稅內科折他物更為增價當  
官支付違者並論如律仍令所屬提刑司正官一  
員監視體究制可之

明昌四年六月河決衛州魏清滄皆被害

明昌五年八月河決陽武故堤歷延津封丘

先是大定二十七年令沿河京府州縣長貳官結  
銜並帶河防自滎陽以下如南京府之延津封邱  
祥符縣封陳留昨城杞縣長垣歸德府之永城寧  
陵廩城衛州之汲新鄉獲嘉滑州之彭城蕭豐曹  
州之德陰滑州之白馬魏州之襄邑滕州之沛單  
州之單父濟州之嘉祥金州之寧城皆為沿河之地

則當時河流所經亦大畧可觀也雖數遷徙而汲  
昨之間如故迨明昌五年八月河決陽武故堤灌  
封丘而東尚書省奏都水監官見水勢趨南不預  
經畫詔各削階罷職蓋河流至是又一大變矣金  
吉甫云河至熙紹甲寅南連大野并行泗水入淮  
於是有南北清河之分北清河即濟水故道南清  
河并泗入淮今淮安之西二十里對岸清河口是  
也按宋光宗紹熙五年甲寅即金章宗明昌五年  
是歲河徙自陽武而東歷封丘長垣蘭陽東明曹  
州濮州鄆城范縣諸州縣界中至壽張注梁山樂  
分為二派北派由北清河入海今大清河自東平  
歷東阿平陰長清齊河歷城濟陽齊東武定青城  
濱州蒲臺至利津縣入海者是也南派由南清河  
入淮即泗水故道今會通河自東平歷汶上嘉祥  
濟寧合泗水至清河縣入淮者是也河滙梁山樂  
分二派入南北清河雖自熙寧十年始專經塞治

至是復行其道而汲胙之流遂絕河一過大伾而東不決則已決則東南注於淮邱文莊以宋熙寧十年河決為入淮之始非也先是天禧三年河決滑州歷澶濮曹鄆注梁山灤合清水古汴渠東入於淮矣又先是咸平三年河決鄆州浮鉅野入泗入淮矣又先是太平興國八年河大決滑州泛澶濮曹濟東南流至彭城入於淮矣湖而上之則漢元光三年河決濮陽瓠子東南注鉅野通於淮泗矣但皆未幾即塞其歷久而不變至今五百餘歲河淮并為一瀆則自金明昌五年始本禹貢雖指

明昌六年詔修新河石岸十四里有奇

新河在新  
鄉縣南



承安元年七月敕自今沿河州縣官雖部除者皆勿令闕員

宣宗貞祐四年三月延州刺史烏蘇克實克言近世河離故道自衛東南而流由徐邳入海以此河南之地為狹臣以為新鄉縣西河水可決使東北其南有舊堤水不能溢行五十餘里與清河合則由濬州大名觀州清州柳口入海此河之故道也皆有舊堤補其缺罅足矣如此則山東大名等路皆在

河南而河北諸郡亦得其半退足以為禦備之計  
進足以壯恢復之基又言南岸居民既以籍其河  
夫修堰營戍又使轉輸芻糧夏秋租稅乞減其稍  
緩者以寬民力事下宰臣以為河流東南舊矣一  
旦決之恐故道不容此甚不可但量減南岸居民  
之賦役

自宋南渡河離濟滑勢益趨而南至金明昌五年  
燕於濟泗分派入海汲胙之流遂空其去禹跡益  
遠矣本禹  
貢維旨

元世祖至元九年七月衛輝路新鄉縣廣盈倉南河北岸決委都水監丞馬良弼與本路官同相視併力修完之

九月南陽懷孟衛輝新鄉等郡淫雨河水並溢圮田廬害稼

至元二十年六月太原懷孟河南等路沁河水溢壞民田衛輝路清河溢損稼南陽府唐鄧裕嵩四州河水溢損稼

至元二十二年秋南京彰德大名河間順德濟南  
等路河水壞田三千頃

至元二十三年河決開封祥符陳留杞太康通許  
鄆陵扶溝洧川尉氏陽武延津中牟原武睢州十  
五處調南京民夫二十萬四千三百餘人分築隄  
防

至元二十四年三月汴梁河水溢役夫修完故堤  
至元二十五年五月汴梁大霖雨河決襄邑漂麥

永又河決汴渠太康通許杞三縣陳潁二州皆被害

六月霖雨睢州河溢害稼免其租又以考城陳留通許杞太康各縣河溢蠲其租

十二月太康汴梁二路河溢害稼

是年汴梁路陽武縣諸處河決二十二所漂蕩麥禾房舍委宣慰使督本路差夫修治

先是至元九年河決新鄉是河猶在新鄉也至二十五年陽武等縣河決二十一所而新鄉之流絕

水道一變自金明昌甲寅河徙其水大半入淮而清河未絕流迨至二十六年會通河成於是始以一淮受全河之水凡九十五歲本禹貢雖指

至元二十七年六月河溢太康縣沒民田

八月沁水溢害民田俱免其租

十一月河決祥符縣義唐灣太康通許二縣陳潁

二州大被患

張庭珍為南京路總管兼開封尹河決太康入暑和門捍之不及乃頽城為堰水既退即發民增外防百三十里全活甚衆本元史張庭珍傳

成宗元貞二年九月河決杞封邱祥符寧陵襄邑五縣

十月河決開封

大德元年三月歸德睢州襄邑寧陵鹿邑開封許州臨潁鄆城太康扶溝陳留杞等縣河水大溢漂沒田廬

五月河決汴梁發民三萬餘人塞之又漳河溢損民禾稼

七月河決杞縣蒲口

時河決蒲口命河北河南廉訪使尚文相度為久遠之計尚文奏言今陳留抵睢東西百有餘里南岸舊河口十一已塞者二自潤者六通川者三岸高於水計六七尺或四五尺北岸故堤其水比田高三四尺或高下等大抵南高於北約八九尺堤安得不壞水安得不北也蒲口今決千有餘步迅疾東行得河舊瀆行二百里至歸德橫堤之下復合正流或強遏之上決下潰功不可成為今之計河西郡縣順水之流遠築長堤以禦泛濫歸德徐邳民避冲潰聽從安便被水之家宜於河南退灘地內給付頃畝以為永業異時河決他所者亦如之信能行此亦一時救荒之良策也蒲口不塞便朝廷從之會河朔郡縣山東憲部爭言不塞則河北桑田盡為魚鱉之區於是隨塞隨決卒如文言



是後河復北行故道自陳留入蘭陽儀  
封而祀縣遂無河矣本元史尚文傳

明邱璿曰河為中原害自古治者未有能得上策  
者蓋以河自星宿縣源東入中國踰萬里凡九折  
焉合千流萬派以趨於海其源之來也遠矣其水  
之積也衆矣夫以萬川而歸一壑所來之路孔多  
所收之門束隘而欲其不泛濫也難矣况孟津以  
下地平土疎易為沖決而移徙不常也哉漢唐以  
來賈讓諸人言治河者多在當時雖或可行而今  
時未必皆便元時去今未遠地勢物力大率相似  
尚文所建雖非百世久遠之計亦一時救弊之策  
也今河南藩憲及沿河州縣果能如文所言相地  
之宜或築長堤以禦泛濫或開淤塞以通東隘或  
從民所便遷村落以避沖潰或給退灘以償所失  
如此雖不能使百年無失而  
被害居民亦可以甦息矣

大德二年六月河復決蒲口凡九十六所泛濫汴梁歸德二郡大名東昌平灤等路水

七月大雨河決壞隄防漂沒歸德數縣禾稼廬舍免其田租一年遣尚書諾海御史劉賡等塞之自蒲口首事凡築九十六所

大德三年五月河決蒲口等處浸歸德府數郡遣官修築七堤二十五處共長三萬九千九十二步大德八年正月自滎澤至睢州築堤防十有八所

五月河溢祥符太康陽武獲嘉濬滑

太德九年六月汴梁陽武縣恩齊口河決

八月歸德府寧陵陳留通許扶溝太康杞縣河溢

七月陳州之西華河溢

八月歸德府陳州河溢

太德十年正月發河南民十萬築河防

武宗至大元年七月皇子和實拉請立總管府領提  
舉司四括河南歸德汝寧等府境內瀕河荒地約

六萬餘頃歲收其租令河南省臣高興主其事中  
書省言瀕河之地出沒無常遇有退灘則為之主  
先是有伊埒瑪哈者妄稱省括地蠶食其民以有主  
之田俱為荒地所至騷動有高榮等六百人訴於  
都省追其驛券方議罪遇赦獲免乃獻其地於皇  
子且河南連歲凶荒人被水害正在缺食若從所  
請設立官府為害非細帝曰安用多言其止勿行  
至大二年七月河決歸德府又決汴梁之封邱

至大三年十一月河北河南廉訪司言近歲毫潁  
之民幸河北徙有司不能遠慮失於規畫使陂灤  
悉為陸地東至杞縣三汊口播河為三分殺河勢  
蓋亦有年往歲歸德太康建言相次湮塞南北二  
汊遂使三河之水合而為一下流既不通暢自然  
上溢為災由是觀之是自奪分泄之利故其上下  
決溢至今莫除即今水勢趨下有復鉅野梁山之  
意蓋河性遷徙無常苟不為遠計預防不出數年

有漢濟鄆蒙害必矣為今之計莫若於汴梁置都  
水分監妙選廉幹深知水利之人專職其任量員  
數頻為巡視謹其防護可疏者疏之可堙者堙之  
可防者防之職掌既肅事功可立其分監官吏以  
十月往與各處官司巡視缺破會計工物督比年  
終完來春分監新官至則一一交割然後代還庶  
不相誤

仁宗皇慶元年五月歸德府睢陽縣河溢

皇慶二年六月河決陳睢毫三州開封府陳留等縣浸民田廬

延祐元年六月河決鄭州

八月河南等處行中書省言黃河涸露舊水泊汙池多為勢家所據忽遇泛溢水無所歸遂致為害由此觀之非河犯人人自犯之擬差知水利都水監官與行省廉訪司同相視可以疏闊隄障比至泛溢先加修治用力少而成功多又汴梁路睢州

諸處決破河口數十內開封小黃村月堤一道都  
水分監修築障水堤堰所擬不一宜委各官親歷  
按驗於是命官按視各官公議今相視上自河陰  
下抵歸德經夏水漲甚於常年以小黃口分洩之  
故通無沖決此其明驗也若將小黃村河口閉塞  
必移患隣郡決上流南岸則汴梁被害決下流則  
山東可憂事難兩全當遺小就大如免陳州差稅  
賑其饑民陳留太康通許被災之家依例取勘賑



恤其小黃村河口仍舊通流外據修築月堤并障  
水堤閉河口別難擬議於是凡汴梁所轄州縣河  
堤或已修築及當疏通與補築者條列具備之

延祐二年六月河決鄭州壞汜水縣治

延祐五年二月修治汴梁護城堤自二月十一日

興工至三月九日畢工

延祐六年六月河間路漳河水溢壞民田

延祐七年七月河決滎澤縣塔海莊東堤十步餘

又決橫堤兩重數處又決開封府蘇村及七里寺  
二處平章站馬赤及都水監官併工修築之又決  
汴梁原武浸灌諸縣

英宗至治元年七月彰德府臨漳縣漳水溢

至治二年正月儀封縣河溢

至治三年二月修廣惠廟十有九所

泰定帝泰定元年五月河溢汴梁樂利堤詔發丁夫  
六萬四千人築之

泰定二年二月姚瑋以河水屢決請立行都水監  
於汴梁仿古法備捍乃命瀕河州縣正官皆兼知  
河防事

五月河溢汴梁被災者十有五縣

七月河決睢州

八月汲縣河溢

泰定三年二月歸德屬縣河決歲大饑賑之

秋七月河決鄭州陽武縣漂民舍萬六千五百家

賑之

泰定四年六月汴梁路河決

八月扶溝蘭陽二縣河溢漂民居一千九百餘家  
虞城縣河溢傷稼

十二月夏邑縣河溢

致和元年三月河溢虞城碭山二縣

文宗至順二年六月彰德府屬縣漳水溢

至順三年五月睢州陳州蘭陽封邱諸縣河溢

至順四年六月黃河大溢河南水災

順宗元統元年五月陽武縣河溢害稼

六月黃河大溢河南水災

至元元年河決封邱縣

至元二年五月黃河復於故道

至元三年六月大雨黃河溢蘭陽尉氏歸德府淹  
沒人畜廬舍甚衆

至正二年九月歸德府睢陽縣因水患人饑賑之

至正四年正月河決汴梁

十月詔修黃河堤堰

至正十一年四月下詔中外命賈魯以工部尚書  
為總治河防使進秩二品授以銀印發汴梁大名  
十有三路民廬州等戍十有八翼軍共民十五萬  
軍二萬供後一切從事大小軍民官咸稟節度便  
宜興繕

先是至正四年夏五月大雨二十餘日黃河暴溢  
北決白茅堤六月又潰金堤並河郡邑皆罹水患

遣使體量仍督大臣訪求治河方畧九年冬托克托復為丞相請躬任其事命集群臣廷議都漕運使賈魯言必當治魯先為都水使者時有二策進獻一議修築北堤以制橫潰其功省一議疏塞並舉挽河東行以復故道其功費至是後以二策對托克托聽其後策議定乃薦魯於帝大稱旨故有是命魯於是月二十二日鳩工至七月疏鑿成八月決水復故道九月舟楫通行十一月工畢諸埽堤成河水安流南匯於淮又東入於海帝遣貴臣報祭河伯召魯還京論功超拜榮祿大夫集賢大學士其宣力諸臣遷賞有差丞相托克托世襲達拉哈之號持命翰林學士承旨歐陽元製河平碑文以旌勞績元既為河平之碑又自以為司馬遷班固記河渠溝洫僅載治水之道不言其方使後世任斯事者無所考則乃從魯訪問方畧及詢過客賈吏牘作至正河防記其言曰治河一也有疏有濬有

塞三者異焉。麗河之流因而導之，謂之疏。去河之淤因而深之，謂之濬。抑河之暴因而扼之，謂之塞。疏濬之別有四：曰生地曰故道，曰河身曰減水。河生地有直有紆，因直而鑿之可就，故道故道有高有卑，高者平之以趨卑，高卑相就則高不壅卑不踳。慮夫壅生潰，踳生湮也。河身者水雖通行身有廣狹，狹難受水，水益悍，故狹者以計闊之，廣難為岸，岸善崩，故廣者以計禦之。減水河者水放曠，則以制其狂，水隲突則以殺其怒。治堤一也，有瓶築修築，補築之名有刺水堤，有截河堤，有護岸堤，有縷水堤，有石船堤，治埽一也，有岸埽，水埽有龍尾埽，欄頭埽，馬頭埽，其為埽臺及推檣，牽制強望之法，有用土，用石，用鐵，用草，用木，用杙，用絙之方。塞河一也，有缺口，有豁口，有龍口，缺口者已成川，豁口者舊常為水，所豁水退則口下於堤，水漲則溢出於口。龍口者水之所會，自新河入故道之湫也。



此外不能悉書因其用功之次第而就述於其下  
焉其濬故道深廣不等通長二百八十里百五十  
四步而強功始自白茆長百八十二里繼自貴陵  
岡至南白茆闕生地十里口初受廣百八十步深  
二丈有二尺已下停廣百步高下不等相折深二  
丈及泉曰停曰折用古算法因此推彼知其勢之  
低昂相準折而取勻停也南白茆至劉村莊接入  
故道十里通折壑廣八十步深九尺劉莊至專固  
百有二里二百八十步通折停廣六十步深五尺  
專固至黃堍壑生地八里面寬百步底廣九十步  
高下相折深丈有五尺黃堍至哈只口長五十一  
里八十步相折停廣壑六十步深五尺乃濬四里  
減水河通長九十八里百五十四步凹里村缺河  
口生地長三里四十步面廣六十步底廣四十步  
深一丈四尺自凹里生地以下舊河身至張贊店  
長八十二里五十四步上三十六里壑廣二十步

深五尺中三十五里壑廣二十八步深五尺下十里二百四十步壑廣二十六步深五尺張贊店至楊青村接入故道壑生地十有三里六十步面廣六十步底廣四十步深一丈四尺其塞專固缺口修堤三重并補築四里減水河南岸豁口通長二十里三百十有七步其剏築河口前第一重西堤南北長三百三十步面廣二十五步底廣三十三步樹置椿橛實以土牛草葦雜梢相兼高丈有三尺堤前置龍尾大埽言龍尾者伐大樹連梢繫之堤旁隨水上下以破嚙岸浪者也築第二重正堤并補兩端舊堤通長十有一里三百步缺口正堤長四里兩堤相接舊堤置椿堵閑河身長百四十步用土牛草葦梢土相兼修築底廣三十步修高二丈其岸上土工修築者長三里二百十有五步有奇高廣不等通高一丈五尺補築舊堤者長七里三百步表裏倍薄七步增卑六尺計高一丈

築第三重東後隄并接修舊堤高廣不等通長八里補築四里減水河南岸豁口四處置椿木草土相兼長四十七步於是塞黃陵全河水中及岸上修堤長三十六里百三十六步其修大堤刺水者二長十有四里七十步其西復作大堤刺水者一長十有二里百三十步內瓶築岸上土堤西北起李八宅西堤東南至舊河岸長十里百五十步顛廣四步趾廣三之高丈有五尺仍築舊河岸至入水堤長四百三十步趾廣二十步顛殺其六之一接修入水兩岸埽堤并行作西埽者夏人水工徵自靈武作東埽者漢人水工徵自近畿其法以竹絡實以小石每埽不等以蒲葦綿腰索徑寸許者從鋪廣可一二十步長可二三十步又以電埽索綯徑三寸或四寸長二百餘尺者衡鋪之相間復以竹葦麻蘆大絳長三百尺者為管心就繫綿腰索之端於其上以草數千束多至萬餘勻布厚鋪

於綿腰索之上橐而納之丁夫數千以足踏實推  
卷稍高即以水工二人立其上而號於衆衆聲力  
舉用小大推梯推捲成埽高下長短不等大者高  
二丈小者不下丈餘又用大索或互為腰索轉致  
河濱選健丁操管心索順埽臺立踏或罌之臺中  
鐵箍大概之上以漸鎚之下水埽後掘地為渠陷  
管心索渠中以散草厚覆築之以土其上復以土  
斗雜草小埽稍土多寡厚薄先後隨宜修疊為埽  
臺務使牽制上下縝密堅壯互為犄角埽不動搖  
日力不足火以繼之積累既畢復施前法捲埽以  
壓先下之埽量水淺深制埽厚薄疊之多至四埽  
而止兩埽之間置竹絡高二丈或三丈圍四丈五  
尺實以小石土斗既滿繫以竹纜其兩旁並埽密  
下大椿就以竹絡上大竹腰索繫於椿上東西兩  
埽及其中竹絡之上以草土等物築為埽臺約長  
五十步或百步再下埽即以竹索或麻索長八百

尺或五百尺者一二離厠其餘管心索之間俟埽  
入水之後其餘管心索如前離厠之隨以管心長  
索遠置五七十步之外或鐵釘或大椿曳而繫之  
通管束累日所下之埽再以草土等物通修成堤  
又以龍尾大埽密星於護堤大椿分析水勢其堤  
長二百七十步北廣四十二步中廣五十五步南  
廣四十二步自顛至趾通高三丈八尺其截河大  
堤高廣不等長十有九里百七十七步其在黃陵  
北岸者長十里四十一步築岸土隄西北起東西  
茲堤東南至河口長七里九十七步顛廣六步趾  
倍之而強二步高丈有五尺接修入水施土牛小  
埽稍草雜土多寡厚薄合宜修疊及下竹絡安大  
椿繫龍尾埽如前兩堤法惟修疊埽臺增用白蘭  
小石并埽上及前埽修埽堤一長百餘步直抵龍  
口稍北攔頭三埽并行埽大堤廣與刺水二堤不  
同通前列四埽間以竹絡成一大堤長二百八十

步北廣百一十步其顛至水面高丈有五尺水面至澤腹高二丈五尺通高三丈五尺中流廣八十步其顛至水面高丈有五尺水面至澤腹高五丈五尺通高七丈并瓶築縷水橫堤一東起北截河大堤西抵西刺水大堤又一堤東起中刺水大堤西抵西刺水大堤通長二里四十二步亦顛廣四步趾三之高丈有二尺修黃陵南岸長九里百六十步內瓶岸土堤東北起新補白節故堤西南至舊河口廣高不等長八里二百五十步乃入水作石船大堤蓋由是秋八月二十九日乙巳道故河流先所修北岸西中刺水及截河三堤猶短約水尚少力未足恃決河勢大南北廣四百餘步中流深三丈餘蓋以淤漲水多故河十之八兩河爭流近故河口水則幸北行洄旋湍激難以下埽且埽行或遲恐水壅潯入決河因淤故河前功遂隳魯乃精思障水入汶河之方以九月七日癸丑逆流

排大船二十七艘前後連以大桅或長樁大麻索  
竹絙絞縛綴為方舟又用大麻索竹絙用船身繳  
繞上下令牢不可破乃以鐵錐於上流碰之水中  
又以竹絙絕長七八百尺者繫兩岸大樑上每絙  
或碰二舟或三舟使不得下船腹畧鋪散草滿貯  
小石以合子板釘合之復以埽密布合子板上或  
二重或三重以大麻索縛之急復縛橫木三道於  
頭桅皆以索維之用竹編筵夾以草石立之桅前  
約長丈餘名曰水簾桅復以水樁柱使簾不偃仆  
然後選水工便捷者每船各二人執斧鑿立船首  
尾岸槌鼓為號鼓鳴一時齊鑿須臾舟穴水入舟  
沈過決河水怒溢故河水暴增即重樹水簾令後  
復布小埽土斗白闌長梢雜以草土等物隨宜填  
塚以繼之石船下詣實地出水基趾漸高復捲大  
埽以壓之前船勢畧定又用前法沈餘船以竟後  
功昏曉百刻役夫分番甚勞無少間斷船堤之後

草埽三道並舉中置竹絡盛石并埽置椿繫纜四  
埽及絡一如修北截水堤之法第以中流水深數  
丈用物之多施功之大數倍他堤船堤距北岸纔  
四五十步勢迫東河流峻若自天降深淺巨測於  
是先捲下大埽約高二丈者或四或五始出水面  
修至河口一二十步用工尤艱薄龍口喧騰猛疾  
勢撼埽基陷裂歌傾俄達故所觀者股慄衆議騰  
沸以為難合然勢不容已魯神色不動機解捷出  
進官吏工徒十餘萬人日加獎諭辭旨懇至衆感  
激赴工十一月十一日丁巳龍口遂合決河絕流  
故道復通又於堤前通捲攔頭埽各一道多者或  
二或四前埽出水管心大索繫前埽埽後攔頭埽  
之後後埽管心大索亦繫小埽埽前攔頭埽之前  
後先繫以錮其勢又於所交索上及兩埽之間  
壓以小石白闌土牛草木相半厚薄多寡相勢措  
置埽堤之後自南岸復修一堤抵已閉之龍口長



二百七十步船堤四道成堤用農家場圃之具曰  
輓軸者穴石立木如比櫛齒前埽之旁每置一輓  
軸以橫木貫其後又穴石以徑二寸餘麻索貫之  
繫橫木上密置龍尾大埽使夏秋潦水冬春凌凜  
不得肆力於岸此堤接北岸截河大堤長二百七  
十步南廣百二十步顛至水面高丈有七尺水面  
至澤腹高四丈二尺中流廣八十步顛至水面高  
丈有五尺水面至澤腹高五丈五尺通高七丈仍  
治南岸護堤埽一道通長百三十步南岸護岸馬  
頭埽三道通長九十五步修築北岸隄防高廣不  
等通長二百五十四里七十一步白茆河口至板  
城補築舊堤長二十五里二百八十五步曹州板  
城至英賢村等處高廣不等長一百三十三里二  
百步稍岡至碭山縣增倍舊堤長八十五里二十  
步歸德府哈只口至徐州路三百餘里修完堤口  
一百七處高廣不等積修計三里二百五十六步

亦思刺店縷水月堤高廣不等長六里三十步其  
用物之凡椿木大者二萬七千榆柳雜梢六十六  
萬六千帶梢連根株者三千六百棗結蒲葦雜草  
以束計者七百三十三萬五千有奇竹竿六十二  
萬五千葦席十有七萬二千小石二千艘繩索大  
小不等五萬七千所沈大船百有二十鐵纜三十  
有二鐵猶三百三十有四竹篾以斤計者十有五  
萬硃石三千塊鐵鑊萬四千二百有奇大釘三萬  
三千二百三十有二其餘若木龍蠶棧木麥楷扶  
椿鐵又鐵吊枝鐵搭火鈎汲水貯水等具皆有成  
數官吏俸給軍民衣糧工錢醫藥祭祀賑恤驛置  
馬乘及運竹木沈船渡船下椿等工鐵石竹木繩  
索等匠備賞兼以和買民地為河併應用雜物等  
價通計中統鈔百八十四萬五千六百三十六錠  
有奇魯嘗有言水工之功視土工之功為難中流  
之功視河濱之功為難決河口視中流又難北岸

之功觀南岸又難用物之數草雖至柔柔能狎水  
水漬之生泥泥與草併力重如硃然維持夾輔纔  
索之功實多蓋由魯深知河性故  
其功之所就如此本元史河渠志

按元史魯字友德高平人以明經領鄉薦泰定初  
授東平教授歷工部郎中行都水監工部尚書總  
治河防使論功拜榮祿大夫集賢大學士從托克托  
征徐州命魯攻濠州卒於軍魯之治河自黃陵岡  
南達白茆由虞城以下蕭縣以上夏邑以北碭山  
以南自新集歷丁家道口馬孜集韓家道口司家  
道口黃埧趙家園至蕭縣薊門出小浮橋皆賈魯  
所復故道也本河防一覽山西高平縣長平驛有  
魯故宅今以為驛壁間有詩云賈魯修黃河恩多  
怨亦多百年千載後恩在怨消磨觀此則魯當時  
或以亟疾刻深招致民怨而其禦災捍患則後世  
亦有公論固不可得而盡非之本蔣仲舒堯山堂


外記

鄭州北有賈魯河自滎澤縣流入又東入中牟縣岸其源有三西源自密縣之聖水峪中源自滎陽之暖泉冰泉東源自州境之九仙廟合於張家村名曰合河至京水鎮曰京水河又北受須索二水曰雙橋河元末命魯疏治以通漕運起鄭州至朱仙鎮皆名賈魯河本目遊四海記

至正十一年七月河決歸德府永城縣壞黃陵岡岸

至正十二年二月修復黃陵岡岸河復故道因大赦

至正十六年河決鄭州河陰縣官署民居盡廢



河南通志卷十三